

芳

洲

詩

集

芳洲詩集卷之二

泰和陳循著

五言古詩

分題得出自薊北門送黃僉事

出自薊北門駕言過南昌煌煌使君車光輝滿路傍使
君行且止聽我一申章出自薊北門新承錫 寵光豈
徒貴賢德端期迪民康 皇恩誠浩蕩行行當播揚出
自薊北門憲府方持綱大藩數千里奸宄多深藏何以
一發擿冰鑑橫秋霜出自薊北門祖送羅冠裳欲別還
不忍各為重彷徨使君從此去思慰遙相望

送賀敏入南京太學

秋氣肅以勁涼風生高樹落葉滿階除客情正馳騫子
行駕南轅朝發邗門路感之良足歎况乃辭舊故眷眷
同心友焉能殊去住旦夕忽南北悠悠兩京慕大學賢
士關子去親師傳 聖恩深且廣勉力勿遲莫進學尚
日新行已貴當務青雲萬里途行當看高步

送蕭鈺還泰和

在昔聖賢徒問學以為已子防人知患不就教人仕古
道良足敦誰謂今可鄙矧子英妙年詎容中道止竭來
試南宮芳名滿人耳鼓篋登上庠直欲竟書史小成非

所安豈媿漆雕子 恩今自 天錫今當還鄉里澄江
鷗渚間叢桂脩篁裏清陰落綺窓繁香分凖几散帙日
消搖務以求至理固多才藝流亦有賢德士行當師且
友幸毋滿自視宣尼歎逝川大禹惜寸晷况於後學者
百倍功當底 君門高九霄賢路直如矢努力崇嘉譽
終當循往軌

送羅敬珣南還兼賦乃父梅溪書室

狂飈振嘉木落葉掩長陌感我同心友獨作還鄉客憶
在鄉校時與子同硯席誼好通有無豈獨資講益別去
幾十年切想在朝夕去歲秦淮浹此日金臺側方遂諧

夙歡詎意又離析去住異朔南胡不為重惜羨子有老
親康強髮未白遠違曾幾時茲復得慰悅承顏服綵衣
養志贍鮮卿至樂諒靡逾顧惟豈易得媿我有難兄於
我厚恩德十年不一見念之情孔惻我常愛而翁梅溪
廣舊宅諧俗一物無詩書積四壁几席不暫違教子世
儒業絃誦日相繼至今尚如昔子歸奉親暇及時宜勉
力日求已所無慎勿中道畫古人嘗有言累寸遂成尺
何以貴加功人一已當百竭來進取途暫爾淹衡轡君
子貴知命焉用云得失不見九霄鵬有時困竭澤忽朝
乘長風高舉振六翮况子素修持溫然美才質終當成

大用安能久鄉邑我媿辱知己盡言何補翼聊述平生
懷遠慰岐路別

送黃知縣仲芳赴東陽

冠蓋臨都門濟濟咸舊故尊俎列華筵攀轅且停駐豈
徒接杯酒聊此見情素子行承寵恩筮仕東南去翩
翩雙鳧飛皎皎列星度邦侯豈不榮卓魯世攸慕親民
匪在他龜勉事當務撫字貴和平刑罰重仁恕持此苟
弗渝揚揚起嘉譽况子英妙年白玉無泥汙旣已加雕
琢終為瑚璉具又如丹鳳雛枳棘暫留寓忽日向朝陽
和鳴且騫翥努力勿蹉跎年芳易遲莫青雲九萬程延

佇看高步

送蕭郎中伯辰任南京祠部分韻得金臺鴈影

何處可為別置酒臨金臺飲餞未及已鴈陣橫雲來嘹
啖淒以清顧影相徘徊悠揚東南端來往西北隈客情
良有感况乃離別懷復此治殺饌酬酢無停杯開懷且
傾倒罄茲尊與壘大明當中天海宇無浮埃君來自
畿甸寵擢膺殊階行行赴南國艤棹依秦淮舉首睇鍾
山蒼翠仍崔嵬勝賞豈不樂清興亦悠哉欲往那可從
悵望孤雲崖

崇節堂為吉水錢氏賦

群樹藹夏綠百花揚春芬繁陰與嬌色滿目徒紛紜
彼雪霜下零落縈泥塵青青陵上栢亭亭抗浮雲借問
胡為然勁節超其群有美高志士夙昔堅所存舉世尚
榮利在已無足欣夷險誓一致禍福非所論圖史日前
陳聊以娛夕昕勗哉保終譽庶幾光斯文

送胡訓導任新淦儒學

美人生南國皎皎白玉姿文采蟠胸臆五色光陸離
邇薦書采獻藝當瑣闥與旨契六籍承恩方在茲新淦
古名邑去為學者師楚楚冠裳貴搖環珮垂拜舞辭
闕下亭車無停馳維時都城闔祖餞來親知執手不忍

別何以贈子詞師道貴嚴重立教當自持行行但努力
遠慰心相期

壽罔書舍

吉水人

壽山何盤盤泉石清且幽若人厭塵躅卜築甘澹遊危
檐擁崇岡曲檻懸飛沓列屋富遺籍息駕多良儔講論
極幽妙考索窮端由詩書有餘樂壺觴仍勸酬志士惜
白日所尚非林丘聊此務修勵行獻嘉猷

集杜句題彭士揚慈訓堂

有序

予友彭君士揚少孤貧賴母孺人劉氏守節勤苦教育
之比長遂以知名于時乃名其母所居曰慈訓堂示不

忘所本也縉紳君子為之詩若文富矣士揚復以屬予
因集杜句之有類其母子者為二章以復

孤鴈不飲啄何意復高飛卑飛欲何待念子忍朝饑家
貧無供給竭力機杼中防身動如律何人高誼同鬱陶
抱長策訓子覺先門如何久磨勵筋力不辭煩晚就芸
香閣夜字照爇薪應湏飽經術一起轍中鱗

憶昔少壯日家貧仰母慈義方兼有訓折桂早年知出
入朱門家公侯為等倫十載考墳典旅食京華春老親
如宿昔萬里遙相望感恩義不小應念早升堂委曲承
顏體林鳥返哺聲報茲劬勞願終身荷 聖情

題鍾中書子勤所贈郭誠朱杲墨竹

杲子勤同實也

昔年涉層溪溪上富修竹依微淇水濱彷彿湘江澳落
景移繁陰過雨添新綠製冠籜屨裁入饌筭類斲撫節
延孤吟席蔭驅煩燠曠情舒以怡幽志耽且足一自辭
林丘日夕騁遐矚寤寐契往遊翩然驚昔夙姑蘇朱仲
昭胷中寡塵俗寫竹出新意猗猗清可掬鳳池有同寅
得之寶如玉持贈故鄉人此意良亦篤我來試展翫豁
然開心目感之增長歎重憶層溪曲之子持南歸高齋
對幽獨所尚在清勁應資以自勗

題程新所藏耕餘春牧圖卷

程兵部武庫郎中

侵晨把鋤犁耕極南山
趁日晏米飯牛息駕聊自牧
雨餘雙澗清春深百草綠
大牛下長坂小牛穿母腹
相逐無羈絆飲嚙任所欲
我眠倦始舒旣歌還自續
逍遙高林下馬知榮與辱
不念富名譽不願滿金玉
但願牛日肥年年衣食足

題程新所藏盱江漁樂圖卷

溪南饒古木溪北多嘉魚
閑來釣溪北結屋溪南居
有時駕扁舟泛泛如馮虛
朝穿渚中荇暮隱溪畔蘆
弄鉤情自適得魚酒剝沽
時與溪上侶陶然傾一壺
渭川何渺茫嚴灘亦鬱紆
昔賢良已矣今誰繼
芳譽盱江有漁

叟母乃斯人徒

題張御史嘉會雪竹書屋卷

峩峩古郡庠軒居亦宏敞庭階寡市諠几席絕塵埃列
屋雜詩書蒙簷交篠蕩有時值寒沍雪花大如掌密洒
蒼玉林輕飄綠雲愧葉心生夜光枝頭暎朝晃君子勵
進修耶此資幽爽竭求持清白奮揚霄漢上何當如昔
時詩酒更清賞

送黃知府重復任瓊州

良時介嚴冬朔風振枯樹况此

多

君承

寵恩復領邦侯去五馬何翩翩光輝滿歧路

瑞

臺萬里餘行行勿違莫郡吏懷次公黎人想叔度竹馬
海南邊瞻望歸旌屢聖恩深且廣好古誕宣布我懷君
子心耿耿日馳鴛鴻鵠以天涯何由卜良晤

王御史振邀月軒

天氣蕭以清萬籟寂無響襟懷自幽曠軒窓亦閑敞開
尊睇良儔喜見明月上俯照千丈潭精光涵滉漭怡然
契我心聊此寄幽賞相看苟弗渝天地從俯仰

霜露餘思

凜凜嚴霜降湛湛寒露滴孝子恒思親感之憂憤積霜
露有時晞孝思無日夕音容隔杳冥何由遂來覲靜念

裂中腸有憾誰能釋
羨墻見容儀詩書存手澤
於焉存
孝敬庶以酬先德

分題得遠遊篇送陳按察使智復任陝西

少本荆楚士壯歲遊京師
茲遊今更遠蕭蕭駉馬嘶
賓從既已盛憲節何光輝
朝驅薊城北暮投華山西
豸角掛我冠文繡被我衣
狐鼠懾我迹豺狼慄我威
四關幾千里六月秋霜飛
借問胡為然遠遊肅百司
不作臨歧歎不知苦別離
茲遊雖云遠丹心長內馳
聖皇念民切宵旦恤萬幾
使君職宣化遠遊安可違

送熊教授

教濬縣分題得滄州夜泊

河水東流深夕陽西去遠舟沿斷岸移路抱荒丘轉卸
帆風始勁推蓬月初滿思繞玉泉飛望入金臺斷四郊
何渺茫千里正夷坦偶此暫停征憂懷未餒遣子蘊經
濟材夙備賓興選擢教黎陽津群才為趨善竭來朝

帝京考績承 恩眷增秩仍舊任聊以從民使我懷君
子心茲晨宜樂衍諸生候庠門促駕安得緩

題孫負外郎敬所藏畫

青山何崔嵬白雲日來往俯瞰孤亭幽斜帶遙林敞溪
流縈檻深波光入石見恠石樓寒禽垂揚繫輕舫有客
窮幽尋蹇芳愜清賞俯絜仍澹遊懷抱更瀟爽邇來餘

十年汨汨淹塵網偶此看圖画遙因勞夢想

題畫

喬林秋向深絕壑境逾靜湛湛寒波澄屹屹危峯淨淒
風激清響紅葉發幽興宴遊與馬并勝賞琴尊並撫卷
生遐思悠悠在蘿逕

歲暮西城宴集分韻得嘉字

已畢舊時序漸閱新歲華官居正閑暇旅况亦清嘉忝
隨文翰儔醞會賢宗家言談感裨益酬酢懲誼譁玉盤
行素鱗金杯泛彤霞但使故意洽何妨晏景斜離散與
晤聚更代寧有涯悠然達其會不樂復如何

賦長安道送余侍講正安歸南康

大道誇都邑往來無停時香塵似流水擾擾終奚為
人在知命進止惟其宜壯行既有勇暮休安可遲坦坦
都城隅羊車已載脂君行此欲邁感我中腸悲輕風吹
浮雲遠意隨之飛豈但傷離別君來未有期

分題賦桂之樹送陳叅政士啟還山東

叢生荆棘中雜植桃李間榮華各向盡柯葉獨有完
粲凌清飈亭亭當廣寒上有青鸞栖下有赤螭盤羨君
邁邾林挺秀逾燕山謬慙此日賦那似當年攀流芳固
無際保終諒匪難願隨風飄播青雲端

分韻得霜字送王僉事彥昂赴浙江按察

晨出都城門送君上河梁感此平生懷悠然增慨慷同
鄉復同庚自少情所良如何濱老大各在天一方媿我
此承乏喜君寘周行迢迢東南邦白日飛秋霜秋霜固
云肅覆益可無光願披千里翳沉幽照太陽

靈椿送鄭郎中父守中

分得燕山種移來鄭氏園擎天敷萬葉擇地托孤根晚
節風霜古春榮雨露繁一株長不老千歲獨能存左右
森蘭桂秋冬長子孫名公齊壽考昭代沐榮恩拜命
躋郎署還鄉別帝閣都城親故滿歌詠送行軒

分韻得輝字送彭御史百鍊侍親

迢迢故鄉路，駕言何當歸。豈不樂榮寵，所思在慈闈。君
恩誠已曠，母日柰苦希。恒恐寸草心，難報三春暉。抗疏
乞躬養，始願欣弗違。爰將錦繡服，化作斑斕衣。再拜升
高堂，戲舞揚光輝。念我忝同朝，道義相因依。感此不忍
別，遠送臨邦畿。君行日云遠，我思隨雲飛。

稼軒 為王行敏

舊宅文溪濱，別業武山麓。寄我塵外蹤，愛此村中俗。良
田十餘畝，近繞南山屋。既耕還自耘，取適非取足。蛙鳴
激餘響，苗長泛新綠。良晨啟窓戶，好景稱心目。詩成情

更怡賓至酒應熟一詠還一觴為樂信所獨吾聞惜稂
莠終然妨嘉穀願君力芟治庶以增儲蓄

菊逸

遠山秀如畫流水清可掬超然扁間曠允矣絕塵俗若
人得所適卜居事幽獨碧沼覆艷荷疎籬帶修竹閑治
數畝園盛種千株菊粲粲榮朝英苾苾揚秋馥聊怡物
外情且醉尊中醪為樂亦何多况乃官榮祿惟應制頽
齡遠駕循善穀

曾夔求題墨竹 有序

中書舍人朱景珩作竹石其僚友鍾子勤得之以贈曾

生生以嘗從予學持來求書一言以歸予為題之如左
生忠懇喬也而可以不勉哉

幽篁何娟娟托根巖下石君子多清盼眷愛如拱壁一
或植汗下雜彼荆與棘遂令抗勁姿翻為渠所易子今
英妙質結交宜慎擇苟弗重自持何由善履迪高齋對
此君可以資修德中書有深意故遣壯行色

送撫州府知府晁分韻得友生

朔風正蕭瑟送君都南城林葉帶霜落河流漾冰行既
分復把袂念此故舊情盃盡酒更酌酒醒愁還生古人
輕離別所重在功名眷言各努力庶以酬 皇仁

九月望日朝回與五人者偶至東里先生朝房因
留賞菊以秋菊有佳色為韻各賦五首

遽看鶯葉滿已負菊花遊賴此休暇期庭芳猶有秋幸
蒙邂逅歡皆我文翰儔列坐遵南牖殊覺心境幽高譚
自疊疊清興良悠悠值茲復無樂吾將欲何求

佳會有直趣所樂不獨菊况茲熙明時亦幸叨寵祿既
免心上憂可辭杯中醪感激懷愈開勸酌席屢促豈但
惜流光斯文契益篤何以致愛恭期壽永相祝

對酒色浮杯掇英香在手菊雖逾節新交荷忘年舊但
愜意自娛豈在物為厚仕與公忝同實愧我何有幸陪

終日宴敢不懷自懋固非肯後志第恐此言負

人出長安門官居此為佳雖云臨廣陌杳深無紛華有
菊當前庭正爾開竒葩攢金與疊玉粲粲如雲霞偶來
一相即襟抱適何多對之不肯飲空令負此花

羣公皆時名關西尤舊德獨慚樗櫟姿而亦忝厥職徒
有附驥心未稱搏鵬力謬承賓筵錄敢不罄歡臆馳觴
已云晏高情渾未極感茲到忘形歸鞭垂月色

西城宴集分韻得嘉字

國子祭酒陳敬宗宅

冉冉歲云暮融融氣已和良辰不可負况乃逢嘉尊
酒會朋儔歡讌諒靡他戶庭無塵俗野籛良亦佳觴酌

心所諧言咲亦何多
家來發清詠興適浩無涯
聖明世不樂將柰何
報稱湏及早毋言日來賒

杏園雅集 大學士楊榮宅

濟濟儒林彥晨下玉堂
直時和景物麗駕言適
所適芳圃負城隅坦蕩
囂氣隔長松蔭仙葩
流泉湛寒碧展席藹
蘭薰開尊注瓊液主賓
諧琴瑟應歌叶金石蕭
散樂和洽從容見儀則
視彼山陰遊清談竟奚益

小橋流水

為永新劉編修父石潭八境為題其二

劉君棲隱處幽偏絕塵鞅
下瞰千丈潭天光涵滉濔
小橋如橫虹邊駕兩崖上
流水滌煩纓垂揚繫輕舫
時來

一撫景陶然恣吟賞俛懷垂釣心自絕入城想嚴陵與
鹿門異代同高尚君有子登庸斯世匪尤忘出處安命
義愧忤慎俯仰寄言語隱君吾心良嚮往

芳草殘碑

結廬祠仰山所欲徼神祐刻碑載其事更望傳千古曾
不幾何年稍已遭變故雖蒙霜雪侵幸免樵牧仆莓苔
翳鳥跡拂拭乃可睹暇日此遊憇童冠從三五閑辨二
篆分紅正六書誤李蔡不復得韓公亦難遇千載何寥
寥無人喻石鼓倪仰成歎息徒然為君賦

送蔣璘主事弟還錢塘乃祖封學士

高堂有大父華髮照簪組柰何來視兄定省曠晨暮去
住難為情跋跣肯辭苦驅車發河梁漸遠卽官署豈無
同氣思翻向潞河渚人生階貴道不在散與聚倫誼苟
云萬千里如同處羨子英妙齡况復好器宇勉力事進
修青雲當留高步

山前陳氏敕書樓

聖主弘至仁大布養民惠人心同此天海內聞風起卓
哉忠節邦感發尤云易况茲長厚家累世皆務義積貯
既豐盈子孫亦賢美出粟輸公廩少助饑荒濟雖未給
邦國聊以資閭里徽音忽上達旌命不日燿煌燿雲錦

章切切褒嘉意聲譽動縉紳光輝照桑梓惕然懷感激
敢忘恩所自爰構敕書樓永表恭敬意軒窓迎日開臺
榭凌雲起山水相榮迴雲霞總附麗豈但榮一鄉足以
垂百世嗟彼庸衆人所營孰非利信哉陳氏念乃心獨
苦此我為述斯章不徒著厥美庶以視厚貲黽勉成來
繼

贈吏科給事中張彥明輓章 子濂為給事中河南人

有種必有獲譬彼藝嘉穀嘉穀豈獨榮稊稗或俱熟何
如務種德其獲必多福苟不在厥躬終當顯來續鄢陵
有君子習隱依岩谷損利時有濟賑之日不足旣急婚

塋助肯緩孤幼鞠信誼孚里閭孝友稱宗族奈何耳順
餘奄棄人間祿有子才且良森森如立玉伯氏舉鄉貢
州郡為民牧仲氏擢賢科霄漢侍 黃屋推恩及本源
幽顯悉照燭借問此何由種德膺報復悠悠西岡原悲
風號宰木善人秘玄壤過者傷心目逝容不可覩遺美
尚堪錄太史有墓文永以揚芳馥

題徐知府畫梅為朱叅政得掌臨江府事

我觀古人畫在趣不在迹今人畫雖工點染狀形色姑
孰徐太守嘗作金閨客胸襟含變化揮灑妙風格未侯
侷儻士愛畫欲成癖太守為寫梅心手皆造極老幹鐵

縱橫煩蓋玉潔白儼若玄冬下春意徧寒陌太守致政
歸稍已倦翰墨通來十餘年索者不易得朱侯有此幅
寶之全珙璧寶之豈徒然求以勵厥德

送衛主事靖展祭還姑蘇靖寫誥勅於翰林

憶子當盛年汲汲事文藝雕鶚升雲端龍蛇生筆底金
馬與石渠揮灑日千紙被恩龍闕下擢職鳳池裏殷
勤方數年天子嘉勞勩豈獨榮其躬推恩貴所自
向來遷南宮仍典絲綸美駸駸職業修藉藉才名起顧
瞻水與木爰動本原思况復感霜露能無怵惕意桑梓
雖未荒蘋蘩柰已廢輸此激切懷乞憫向宸陛遂承

優詔許履省還州里峩峩虎丘山渺渺大湖水波光併
草色畫錦增榮麗吁嗟九世人忠孝罕兼備子幸逢
明時克遂平生志東風三月肯柳暗百花媚展旆臨長
衢揚鞭過都市去去來來無遲翹首遙相俟

題蘭竹為袁肇秀才

猗猗九畹芳濯濯三湘秀託根固已深長苗亦自茂方
茲處幽雅胡誤玷塵垢雨露潤澤之光澤復如舊善養
干霄勢謹擇為隣友芟治一弗勤猶石妨瓊玖念子魯
大父三世與我厚恒存愛子心贈言期終守

松月軒為費彥升住京師

齋居何軒昂窓戶夔幽絕况無塵俗干且有琴書列明
月懸清光孤松挺高節榮茂自冬春損益因圓缺對此
心慮澄超然自怡悅身嬰大隱名門枉達官轍相看聊
共勉求保貞與潔

賦鐵鏡為姑蘇李思訥

吾聞葉法善早遂軒岐術往往持鐵鏡用以察秘疾五
臟皆照燭靡或掩纖悉保養及予奪萬施無一失博哉
濟世勲後來固罕匹乃知醫所貴明察為第一姑蘓李
氏彥務學恒汲汲往迹盡尋究期以造精密廣此汎愛
仁與物咸即吉竭來一七功已見副名實我歌鐵鏡辭

殷勤為子述勉焉慎厥施遠大良可必

五言律詩

送王瑄叅議致事還蒲圻

久承明主眷忽與故人違
目斷黃陵廟帆過赤壁磯
稭綠舞寵祿聊得振塵衣
一任茅堂下開尊面翠微

南昌羅氏樓子箴郡學生

卜居名勝處終日事藏修
把筆雲生戶譚經月在樓
琴尊娛白晝燈火照清秋
有子傳家學行當賦遠遊

琅琊朝暾 葉城知縣徐聆子聰

晨起觀瑯琊絕壁明初暉
隱隱曙煙歛湛湛朝露稀
晴

光射巖壑宿鳥紛驚飛何人此樓道猶自高柴扉

杓巖曉月

明月照杓巖清光何皎皎群動各已息風聲度林杪寒
泉垂白練湛露滴清曉時有鶴上僊下自衆山表

雲峯筆架

群峯擁軒楹白雲日來往依微開筆架彷彿露仙掌遠
岫漲晴嵐寒松撼清響何當造幽人携手同觀賞

靈山錦屏

峩峩對靈山高峯如削玉巖際千花紅原上百草綠開
軒樂清暇屏錦爛人目况是春風時燁燁照晴旭

東源澄波

一水匯東源波澄靜如練蕩漾雲影移燁煜晴光轉歌
闌頻濯纓書罷時滌硯擬約素心人俯潔開芳宴

東梅八景為臨江郭昺真郎中賦

二坳浮嵐

家住東梅隈三峯宅前峙佳氣日氤氳秀色雜青紫有
時欲成霧飄蕩晴空裏開軒遠相對豁然心為喜

九峯壘翠

危峯列九重蒼翠浮雲間冠裳每瞻眺杖屨多躋攀斷
崖落日照喬林飛鳥還誰此娛閑逸斯人昔考槃

石橋流水

溪水橫長橋玉虹浮滉漾游魚時上下行客日來往把
釣結鷗盟濯足聞漁唱亦有素心人閑來共幽賞

驛路停驂

門前車馬喧門裏琴尊具開軒接賓客息駕多觀故飲
馬道傍泉散步亭邊樹落日山水佳旣征還屢顧

竹岡晚照

近水晚偏清遙山暮正好幽林鳥雀巢曲逕牛羊道悠
悠晏景移淡淡晴光倒安能此棲息徜徉以終老

山寺曉鍾

古寺隱前山峯迴路深窈落葉溪澗秋踈星河漢曉枕
語度山阿鐘聲出林杪仰視西樓隅獨見殘月小

獅山霽雪

嚴冬百卉零萬籟各已寂開簾對獅山皎皎瓊峯白晴
光散微和陰壑動泉脉不見山下人登高有行跡

蛇嶺晴雲

山際迴長峯逶迤亘百里中有五綵雲飄蕩凌空起既
收作霖功還遂為祥美何當麗絳霄捧日御丹扆

菊隱為廬陵吳道彰賦

林下幽棲處秋風菊滿籬陶情仍對酒適興更題詩迹

與窮愁異名非宦達知故園何日裏是共看花時

田園雜興四首為松陽人作

日出東林隅鳥聲自驚聒小池魚影亂遠岫嵐光溼晨
起適無事披襟恣涉跋俯仰山溪間怡然心孔豁

滿園種葵藿繞屋藝禾稻灌溉恒恐遲耘耨苦弗早不
念力作艱但期刈獲好苟忘辱與榮安此以終老

游目田園中事事向愁寂寒蟬枝上鳴流螢草間出野
老倦犁鋤孺子飽柿栗州縣無橫徵家庭有餘積

狂飈振枯稿嚴霜滿墟落田翁解劬勞有酒自斟酌衣
褐既已具歲寒欣可託聊復得此生終歲謝城郭

五言絕句

梅庄清話絕句 為貴州人

本無桃李質實有雪霜姿萬木皆凋日群花亂吐時

又

偶從庄上植如內嶺頭看鐵石同杓格應能保歲寒

又

恍如承旨居宛勝法曹宅賓至無雜言但道守清白

又

又作梅邊人盡試梅中味無煩止渴圖有待調羹意

題竹為玄圭弟

瀟灑應無匹懸崖亦託根一枝清已足何必滿淇園

又

五柳門前異七賢林下同但教行李有處處挹清風

題鳩

鳴鳩千點兩舞柳一絲風送盡春歸去微雲歛太空

又

嘉木叫新禽交交來好音但知春至候不識歲寒心

題梅為童彥倫

月照花石潭蒼虬舞其上下見冰雪姿垂影一千丈

又

別來三十年芳心恒嚮往因懷君所家何日更清賞

六言絕句

題畫為陳知縣綱新淦人

流水長橋偃蹇斜陽古木交加雲霧峰峦千疊蓬華門
庭幾家

遠樹依微玉峽平沙彷彿金川聞道清源令尹家住此
中百年

題畫

古道重重綠樹柴門面面青山鳥向平蕪驚去雲藏宿
雨飛還

展卷游心千古垂綸寄跡一生惆悵昔賢何在川原日
日人行

題劉士昏僉事所藏高漫士畫

小艇烏臺憲節流水堯源落花茅亭一溪風月青山千
里雲霞

古道稜稜冰雪荒村簇簇蒿萊日暮豺狼屏跡天晴聽
馬歸來

題小景

流水堯花片片東風楊柳絲絲獨掩柴門靜學南園春
畫不知

綠樹階前秀色清
風水幽亭坐覺紅
塵不到歌罷滄
浪濯纓

雨中黃葉千里燈
下寒砧萬家送客
愁逢水國懷人驚
向天涯

舉世賢愚巧拙滿
林桃李松篁人孰
堅持節操物奚獨
傲風霜

題畫

檻外接天春水江
頭繞戶晴雲萬里
歸舡長笛日暮凭
欄獨聞

綠樹千章野色碧
天萬里秋容青山
遠近濃淡望入烟

霞幾重

碁局平臨星斗簾隴高入雲霄綠檻天軒地豁白雲山
遠水遙

遠樹煙光漠漠晴川潭影悠悠何人乘騎登眺日暮長
吟倚樓

題王志浩所藏畫

流水繞門似練好山當戶如屏路回雲壑幽險境入松
原杳冥

白鷺洲邊漁艇青螺山下人家十里江村勝處撫景曾
乘使槎

芳洲詩集卷之二

芳洲詩集卷之三

恭和陳循著

七言古詩

題鄭宗顯所藏墨菊 并序

予友鄭君宗顯由武陵典史歷濟陽新安主簿冰雪之
操三十年如一日雖古所稱廉吏不過如此今以其職
事居京師久之予嘗過焉見其條然如處乎蓬蓽者間
以此屬予題因書以見其志

有客有客才且賢自從辭家三十年南游吳楚北幽薊
經歷冰雪操愈堅一官祗是佐百里芳名遠近人爭傳

平生嗜好無異物惟有秋菊誠所憐五松山人解其意
殷勤為寫黃金錢公餘無事輒相對恍如籬角觀芳妍
世人見菊不鮮愛况乃圖畫心能專乃知意向各有在
清濁自古勢相懸願君從此益操節高標挺挺秋霜前
他日采英林下酌還同陶子心悠然

劉仲和橘井歌

我思昔人有蘇耽少年嘗與神人叅變化隱見在倏忽
仙家秘訣皆飽諳一朝乘雲忽輕舉白日松稍度飛羽
飈車笙鶴不可攀惟有橘泉留下土桂陽域中疵癘豐
此物濟人多神功遽令陰德遍城府坐看生意回疲瘥

姑蘇有客聲籍籍業擅軒岐人不及早年應 詔來兩
京 客金臺承鄉邑大市東頭第幾家庭前橘井春無
涯銀瓶剩貯懸泉水藥圃爭開紅杏花昔人已矣不可
作幸子能醫效如昨更應推廣濟物心盡使疲癯遂康
樂

榴塢龍潭 安成彭進士珣

石榴峯高幾千尺下有深潭龍所宅烈日當空霧雨飛
迅雷起壑涯石擊君家舊宅在中溪衡門正與峯相直
臨清時垂巖子綸登山每看謝公屐自從舉步登青雲
舊造已絕徑行跡靈物變化知有無想見溪山只如昔

溪山可寓不可留君欲再到不可得好同靈物布甘霖
四海九州蘇民物

末唐四景

袁雅敬所藏畫

五雲山水稱當時末唐四景尤絕竒嘗聞欲往不可得
忽從圖畫驚見之崔嵬疊嶂凌空起秀色蒼蒼走百里
中有仙人駕綠駢時自吹簫彩雲裏密溪水落清且寒
俯見馮夷都其間長風不起碧波靜扁舟漁釣相往還
峯迴路轉美丘壑松竹陰陰隱樓閣杖藜徐步皆幽人
携琴日就山中樂神潭之水清莫逾白雪滿山風物殊
先春自昔稱絕品此物土產今豈無袁氏有客最瀟灑

結屋正在末唐下開軒長愛四景幽日共賓朋樂休暇
今年買棹來京城題詩索我留其名却惜無由一登眺
且因預結歸田盟

分題得邢臺送吳叅政福復任陝西

君不見古邢臺古來興替良可哀邢侯已矣衛所滅衛
亦到今安在哉古人去世已千載惟有青山尚不改青
山曾對古時人今人看山想風采使君千里來旬宣每
過邢臺停着鞭携酒登山即訪古古人寂寞心悠然使
君魁磊人中傑曾向吾邦持憲節千里豺狼喪膽覓六
月烏臺凜冰雪入拜南宮粉署即朝朝兩袖携天香朝

回花底接賓客滿門
聿李生輝光
聖朝製作重經籍
使君承 詔曾纂緝
金馬揮毫如有神
雄詞媿我翻無
及別來耿耿懷清溫
今朝始晤又離群
都門相送惜分手
望斷邢沙河水濱

題子勤所藏漁釣圖

漁家老翁無住屋
扁舟隨處依巖宿
雙雙鼓枻浮中流
飄飄撒網向汗瀆
貫魚每折溪上楊
理釣頻尋潭畔竹
城府從來無姓名
懷抱何由有塵俗
得錢半是沽酒貲
醉來放歌還自續
歌竟舡頭日未晡
卧看青山飛屬玉

題兵部王員外卽浩所藏山水

春山疊疊擁層浪山下栽栽列新創窓中美人何佚宕
開簾掩卷恣瞻望流水穿雲出空曠石梁橫波幾千丈
上有遊人日來往樵歌牧笛蕪漁唱長林遂谷紛相向
風雨晦明景萬狀何當飄然脫塵網塞芳俯絜同幽賞

題王永貞居竹卷

幽人本自愛丘壑二十年来住京郭繞屋種竹逾百竿
瀟洒依然似村落門前車馬紛如雲竹下行卧心自若
乃知好竹非好奇偶處誼閑聊自託空階日轉金影移
廣座風回玉聲作對景題詩頻繞枝考古製冠屨裁籜
我記昔年居京師玉堂之陰竹取竒朝回徃徃息其下

彷彿神遊淇水涯北來對俗已二載清趣日夕勞夢思
遍求土產不可得為君徒賦居竹詩

題吳氏三顧耕讀軒

三顧之山高莫逾下瞰深潭龍所居山中景物幽且都
草木瘁茂雲卷舒夙有人兮沮溺徒志欲卜宅山之隅
卓犖有子能讀書倦倦肯構承先謨堂中左史仍右圖
脩然塵俗一物無木石鹿豕為友于不識城府名利途
朝野隴畝暮決渠繞門禾黍蕪桑榆平生行誼孝友俱
中心淳朴太古物竭來不憚道理迂振衣一向都城趨
索我為賦隱者廬歌竟長歌媿未如

送郭僉事公緒分韻得栢字

薊城春意將舒柳之君遠行過廣右朔南相去何迢迢
臨岐欲別難分手難分手憐故舊請君痛飲杯中酒人
生會面須盡歡何必相思翻向後君家舊業詩與書祖
父相承世忠厚一門子弟多簪纓君獨登科職繩糾關
中錢塘衣繡遊六月清霜飛馬首列城鷄犬皆安寧當
道豺狼亦何有 聖明重此賴咨詢使君此去尚無負
由來功賞在麒麟好及盛年圖不朽

送周編修功叙省親還吉水

君家世宅泥田里久矣相承尚詩禮宦達同時恒幾人

多出弟兄與父子大者為卿小者即槐簡朱袍相儷美
持衡論讞趨金門設帳傳經居璧水憶昔與子同薦
書子更力學依田廬忽朝鳳凰起丹穴文采彬彬五色
俱天門高敞臨石渠錦囊載筆仍同趨媿我十年無補
益羨子抵今多令譽聖明天子重孝治俯遂輿情無
不至封章懇懇乞還鄉畫舫賜榮昭寵異高堂二老髮
未華康健清明富且貴萬里歸寧晝錦榮此幸人間那
得似江南山水縈田園桑梓娛人冬日暄升堂拜舞獻
眉壽定應擊鼓行金尊我家先隴荒秋草欲省未能心
慄慄送子遙因倍感傷時時悵望城南道

題金盤牡丹

牡丹之花世所重夙昔傳聞數十種只金五色載金盤
展圖便覺精神踈姚黃魏紫何絕竒韞紅鶴翎尤罕稀
爭新聞美莫優劣雜然精巧呈天機李徑苑溪與杏圃
豔儷紛紛安足數此花何事獨超倫為近逢來多雨露
太平春意滿金臺千朵萬朵朝天開天恩廣施不擇物
許分此本庭前栽庭前喜得陽回早日日朝回花正好
看花同有向陽心歲歲年年春不老

重分韻得兩字送彭御史百鍊

彭君少也才個儻奮身早在雲霄上十年持憲振臺端

下察姦私盡銖兩 聖明天子賜褒獎先代咸令服官

賞我我翠翟耀高堂燁燁豸冠賁玄壤慈闈向乃富春
秋甘旨未遂躬調養九重優 詔許歸寧百歲懽情諧

夢想青春祖帳臨都門迢迢夾道填車軼就中親故揜
儒伸羨君志遂惜君徃玉堂大老今鄉長作詩慨寓
期望時人譽毀自鄉評君更崇德在勉強駘馬蕭蕭動
塵埃南到家林如指掌來朝寓有北鴻翔何以慰予心
快快

題吉安孟通判所藏橫披墨竹

瀟湘之渚多琅玕翠鳳翩翩舒羽翰烟雨微茫過輕軻

夔覺滿蓬蒼雪墮推窓忽見三五枝彷彿葛陂龍化時
孟侯索我題此畫媿我罔能為揮寫江南箴竹何所無
虛心直節罕與俱我侯勵德獨取此切嗟琢磨真有斐
清竒堪掬雅莫群高堂鳴琴數相對何可一日無此君

谷口人家為武選鄭主事厚賦

鄭君生長安谷里寤寐不忘愛山水十年遊宦居京華
暇輒求觀畫圖裏嘗聞昔者鄭子貞好閒有似忘世人
村中縣遠不見曆階下草長方知春幽哉谷口何所樂
豈但筍蕨蕪葵蘆耕桑有秋地肥沃閭里無爭俗淳樸
君今尚有前人風不異雅澹殊窮通倘得掛冠遂歸去

詩書酬酢誰尚同

題雙松圖送國子博士王希稷赴南京太學

仙翁昔日種兩株霜雪百年枝幹古秋兩慘寂龍髯垂
朔風蕭騷猿臂舞高標九霄雲外誇壯節群芳頭上數
琥珀茯苓真可期枳棘擗櫟焉足伍誰寫此圖贈遠行
勝折河楊樹千柳相看好共歲寒盟他日更高舉

題彭存文所藏三友圖

陌上東風豔李花一年一度爭榮華
三友得幾時好
遽隨風雨淪泥沙何如松與梅結交竹君子
雖無艷麗容而有久要意
暗香疎影何清竒
虛心直節真相宜
任

教百卉盡搖落獨保歲寒霜雪姿世人結交孰無之直
諒多聞皆益友便辟善柔不宜親損已敗德竟何有君
子所重安在哉榮華過目如浮埃惟有清澹可持久此
茲三友松竹梅

秋閨怨

金鑪碧烟凝洞房短屏月色琉璃光合歡翠被雙鴛鴦
三載不熏蘭射香白露無聲桂花墜梧桐一夜凋殘翠
聽徹寒更夢不成枕花半濕胭脂淚

七言律詩

送僧祭祖還安慶

離愛名山住幾年大方無處不參禪已窺選佛將成地
還繫生身未了緣行李曉辭燕市剝架涼秋泛潞河船
知無久戀鄉國樂兜率從來別有天

送黃鑑之弟還吉水

娟娟美玉照人清况喜從師事遠行旅寓不忘懷母念
秋來無奈別兄情片帆日近江南郡千里心馳薊北城
為學少年須努力青雲早繼甲科名

題山齋讀易圖為魯士俊

寂寂幽齋對碧岑柴門流水白雲深河圖行畫千年跡
周易垂文四聖心志學豈因懷斗祿成功端自惜分陰

有時契得先天理任把新詩仔細吟

題楊孟辨南軒卷

卜居喜占上源塘况是開軒更面陽門外溪山千里秀
庭前花萼四時芳琴書暇日頻觀稼賓客過時共舉觴
何處俗塵能遠到清幽長似水雲鄉

送蕭知州竒還唐州

丹墀策奏臚傳日曾共聯班聽玉音授職兩宣明主
化行春每得細民心銓曹考績逢書最天府承恩得賜
金自古近民平易好君今嘉譽滿儒林

哭曾典史本清

少年全學最相知，况復登庸際盛時。
闕下獨憐賢友死，客中惟伏故人悲。
京華頓覺無來覿，汜水空令有去思。
路渚秋風紅葉裏，遙瞻旅櫬倍凄其。

和尚書楊公弘濟除夕之作

尚書學士關西裔，夙昔譚經奉至尊。
愛國丹心終歲切，憂民霜鬢迓春繁。
文光煥爛屠蘇酒，綵服紛紜積德門。
共喜年華來日換，獨慚尸素負君恩。

送邵御史父還紹興

白髮如銀滿豸冠，承恩衣繡謁金鸞。
高朋喜動時陪席，令子朝回日奉歡。
怡老琴樽隨處滿，際時壽福似君難。

山中歸去渾何事盛種黃花更藝蘭

丙辰三月十五日與少傅尚書學士九人同宴鴻臚寺卿楊善東郭草亭

何處林園聚德星卿家景物異郊坰氣清天朗城東郭
柳暗花明池上亭曲水流觴催客醉畫欄啼鳴喚人醒
東風若與明年約乘興還來叩竹扃

甘溪書屋為龍主事粲

君家結屋傍巖阿翠竹蒼松間薜蘿門外景如盤谷美
窓中書比鄴侯多窮經父子咸榮盛繼志孫曾好琢磨
我有故園桑梓念何時來聽講丘軻

送蔣廷暉致事

書法歐陽久逼真四朝染翰侍
楓宸絲綸日灑三千
字福壽今踰七十春北闕漸看瓊署遠西湖行見草堂
新山陰羽客紛相慕應是籠鵝候水濱

荊州知府劉永母輓詩 求大庾人有父存

二老高堂偕福慶萱花何事獨先捐子孫求抱無窮恨
伉儷長懷未了緣遺澤始沾南郡守愁雲終秘塔岡阡
褒封幸有 龍章在夜夜榮光上燭天

僉事王縉紳絲繡堂 曾為御史

烏臺御史寧親日華屋名題絲繡堂 鸞誥重頒新雨

露豸冠初歛舊風霜已知三釜堪娛養况是雙親樂顯揚慶澤滿門天下少榮名千載播江鄉

許誠父輓詩 誠吉水人武昌縣知縣

古來耄耄人間少今見三分五福并覽勝江湖成曠達養高田里樂升平兒孫已沐詩書澤姻族尤傳孝友名千古藕塘埋玉處秋霜春雨動哀情

送熊擘之任餘杭訓導

擘熊直之孫擘之子也西澗直之號

爾家父祖擅時名遺澤鄉門更有卿政事北臺都御史文章西澗老先生蚤將家學傳孫子今睹儒官淑俊英百里未應淹驥足相期勉力繼前榮

送順天府學教授沈省親還海寧

共荷 皇仁先孝理獨歆師道重燹倫邦畿千里承敷
教 恩例三年得省親故里歸來賢譽滿高堂拜舞綵
衣新春風三月長安道重看鳴珂謁 紫宸

輓陳中行先生 從高帝有佐啓運之功不仕

皇明撫運關夷夏公輔從龍贊武文 主德光華如瑞
日臣心富貴等浮雲恩榮終始身無忝行誼清高世有
聞欲識當時為善報子孫賢達盡超群

送聶大年常州訓導

少年勤苦惜三餘文采彬彬衆不如學業已專秦博士

家聲尤擅晉中書一闡領薦趨金馬兩見承
恩下玉除官品雖痺師道重更應表率慎興居

求豐羅開禮從 文山死義其七世孫修齡求作

詩時開禮為武岡教授家居死於郡獄

丞相當年舉義兵先生曾共秉忠誠他鄉遊宦甘辭祿
故里勤王喜預名目下榮為心上辱獄中死勝陣前生
百年往事成塵迹賴有遺芳播郡城

永豐羅氏忠義堂

西湖近與歐鄉接忠義相承起一門死節前朝聞令祖
濟貧今日見賢孫千年郡志昭榮德五色天書降

寵恩何日高堂一登覽為渠歆豔倒芳樽

輓周時立迪兌源之父號山溪

生平經訓代鋤犁自有文光貫璧奎盡以榮名遺子弟
獨留清興在山溪才華未許通侯薦墓碣從教太史題
何處懷君最愁寂夕陽千嶂聽猿啼

輓楊長史季琛

同年進士黻之父四為州縣守令

曾同冢嗣輔親藩 帝念先生古道敦忠節遺芳賢祖
德衣冠歸老 聖明恩百年惠愛存州縣累葉詩書赴
子孫文獻江鄉零落盡相思無復接清溫

漁梁具慶為吉水廖寺丞莊

積善由人慶自天君家福澤正綿綿階前蘭桂香千里
堂上椿萱壽百年五色雲霞明畫錦三時甘旨薦春筵
人生至樂無踰此况被恩波住日邊

遊鴻臚楊卿城南別墅和東里先生韻

卿家別業城南陌百畝芳林錦繡開日暖吞波魚數出
風和語榭燕頻來藥畦引水蕪穿竹客館看花更舉盃
清勝自驚如物外誰云門巷有塵埃

雪山和楊少保韻

臺上何曾覆一坏天然巖岫忽相繆堆高柳絮蓬山頂
開徧梅花庾嶺頭銀塔移來庭下植瓊峯貢向殿前收

陽和消盡為平地草綠何妨牧萬牛

累玉為峯手自坏高深陵谷斷還繆仰朝北闕凌三面
俯視西山出一頭百卉含芳資厚沃二年占歲喜豐收
飛橋橫跨懸崖上彷彿銀河度女牛

和胡學士韻送劉咸僉事

早年鄉邑著芳聲旋見鵬搏九萬程便着豸冠簪白筆
獨騎驄馬出嚴城持綱好去甦民瘼論讞還須體聖情
明日相思不相見愁看蜀道暮雲生

送何教授之任松江

鳳闕初辭玉笋班喜聞持鐸向雲間傳經久解談毛鄭

講道頻能究孔顏
桃李滿門春
書求香芹過兩泮
池閑
遙知此去多清樂
柱笏時看海上山

送萬進士節還安成

青年奮筆似揮戈
一舉榮登進士科
金榜題名揚譽遠
瓊林列宴受恩多
春帆帶雨沿隄岸
畫錦還鄉照薜蘿
相送都門分手處
不勝離思滿關河

送僧良琛還慈化寺

承徵遠自報恩來
貝葉編經手自裁
天上拜趨辭鳳闕
山中歸去禮蓮臺
江雲冉冉晴飛錫
淮水湯湯夜渡杯
明到上方禪寂地
細看雲卧長蒼苔

送胡器省親還廬陵

挾册三年坐虎闈寸心長戀報春暉未陳賈誼經綸策
先遂何蕃定省歸養志百方供旨膳升堂五采繡班衣
鄉園桑梓誰無念送子城南思欲飛

送醫官陶華之任餘杭

青年已遠軒岐秘持獻明時早拜官槐簡綠袍辭
上國秋風細雨送征鞍懸泉水活銀瓶潤伏火丹成石
鼎寒此去餘杭多種德成功須向杏林看

送陳知縣文璧赴石首

射策當年赴大廷天門黃榜姓名馨又為吉士登金

馬今宰花封應列星畿甸北辭雙闕遠湖湘西上萬山
青縣城到日多文治應有茲歌里巷聽

湧翠樓 吉水人

八空面面俯岡巒秀色霏霏擁翠瀾杜若香生文水岸
蘼蕪草長峽江千門無車馬清時樂架有琴書暇日歡
寄語尋幽林下客可能垂白待休官

送林叅政嵩還江西

薊北霜風九月寒使君鳴佩下雲端故人旅館難為別
尊酒都門不盡歡柳浦桑村經潞渚青山綠水過長干
薇垣到日逢清暇好引瑤琴座上彈

螺村耕讀 螺子山下

閉戶窮經長綠苔生涯更在白雲隈
芸窗夜靜挑燈坐 麥隴秋深放犢回
得句每同山客和 輸租不待縣官催
螺村村裏真堪樂 只恐徵書 天上來

送饒叅議熙之任廣西

粉署卽官羨獨優 旬宣今作桂林遊
朱衣鳴佩辭 天上畫鼓揚旗度嶺陬
訪古定經虞帝廟 看山應到訾家洲
聖朝有待甦民瘼 佐政深期報主謀

送王訓導瀘淵之任汀之上坑

丹桂曾聞折一枝 當年美譽衆人知
校文鄒魯曾憐前日

振鐸甌閩羨此時夜雨芝蘭隨地化春風桃李曉門垂
書閣更上雙清閣坐對鄞江醉詠詩

北溪書舍八景

登科嶺

山當縣北勢嵯峨往事蕭條感歎多曾有高樓名應夢
尚留黃嶺號登科巖蹊日日来樵牧風雨年年長薜蘿
為報群英工射策好因勤勵莫蹉跎

望僊橋

長橋卧枕大江濱江上遙山紫翠分謾有神仙飛白日
空令父老望青雲水清絕澗浮虹影風急迴舸散柳紋

記得當年膺薦日北征曾此惜離群

青草湖

山下平湖一鏡開遠浮山色度湖來
滄波日射魚龍窟
斷岸春生碧草萋映水紅蕖開的歷
臨清華構立崔嵬
書閑落日湖邊酌蝸鼓時時送酒杯

蒼雪坡

溪南半畝高平地修竹猗猗一萬竿
彷彿淇園春雨暗
依微蔣徑暮雲寒
副來新笋宜供饌
拾得班皮可作冠
朝往暮來蒼雪裏
題詩應遍碧琅玕

玉虹澗

幽澗冷冷瀉玉泉長虹繚繞古城邊春風躍出桃花鯉
夜雨浮來蓮葉舡把釣屢依潭樹下觀瀾多並草堂前
久懷流水高山趣欲共溪翁聽雨眠

金魚洲

金魚洲切大江頭曾是童州日所遊鴻鴈嘹嘹驚暮渚
蒹葭浙浙老清秋踈鐘夜動林間寺畫鼓時轟江上舟
寂憶往時多勝槩何年重許到林丘

鴈塔

白下亭亭雙鴈塔曾經兵燹自前朝下方塵跡來應少
上界星垣去不遙歷劫浮屠樓絕頂萬家城郭仰高標

當年誰折蟾宮桂曾得題名到紫霄

鷗閣

縣城南面開高閣正俯長江對翠微名勝向憐如往日
登臨長想到斜暉閣中諸老仍何在水上群鷗只自飛
空似昔人持翰墨尋常題詠媿辭非

西昌儒學司訓陳君孟旦嘗作一室於城北之溪上公
退之暇游息其中且課其子以耕讀名曰北溪書舍
即書舍環望之則有此八景焉視予龍洲茅屋之景而
少其二大抵多同少異蓋予與君世居同里而差有南
北之分故耳信皆名勝處也以知之莫予若故因考績

來京師也。屬為賦之先叔竹林府君親受學于海桑先生家。兄德遜嘗受學于孟省，而孟省與竹林又平生莫逆交。余嘗獲子孟潔同遊縣庠，為弟子員，而君海桑先生之孫孟潔、孟省之弟子幼又嘗與君同游於前翰林侍讀洎菴先生之門，可謂有世契久要矣。而可愛不腆之辭乎君之外兄左春坊大學士東里先生楊公既為之序，予因為賦七言近體詩各一首，以繼翰林侍讀學士求豐曾公題詠之後。

送周糧長還豐城

負郭有田過二頃，明時屬籍大司農。遠輸民賦先鄉邑。

親到 皇都勝附庸潞水時連千里舫常平歲入萬夫
供金門拜舞承恩後歸路遙瞻五老峯

送羅知州坤泰任廣德

金門射策字三千一日聲名遠近傳觀政獨憐登瑣闥
之官偏喜赴桐川莫嫌職列龔黃下要使名馳卓魯先
想到黃堂勤撫字政平訟理過年年

送冠帶舉人赴會試

太學當年屬俊髦雲霄重見恣遊遨極知鯤化龍門早
佇看名題虎榜高桃葉渡邊傾別酒石頭城下發征舸
春風二月金臺路夾道人看錦綠袍

贈鴻臚寺丞楊善遷卿

二十餘年受國恩，光榮出入在金門。
春風鳴佩朝丹闕，曉日看花歷禁垣。
茂績幾年勤睿想，榮除今日合輿論。
九卿自昔稱尊顯，好竭丹衷荅至尊。

送劉編修江赴九江教授

金榜當年第一人，看花曾醉上林春。
承恩典教黉宮日，謝病辭官玉署辰。
使我懸旌千里外，思君艤棹九江濱。
門墻桃李春陰合，想得均霑化雨新。

補送劉僉事士皆

考績新來覲紫宸，客中邂逅最情親。
幾年河洛風霜

勁此日雲霄雨露新綠酒紅亭初解袂繡衣駉馬又行
春明時憲府多材俊愛子論詩若有神

送太僕丁寺丞維南還豐城

聖主推恩恤舊臣君辭簪紱養閒身眼前又減王毛仲
林下應添鄭子真紫陌上林來日少黃花美酒醉時頻
明朝相憶情無限目斷天南古劍津

送太子少保金先生幼孜省親

碩望先皇舊從臣高堂慶衍太夫人兩朝錫命君恩
重萬里歸寧畫錦新絲筆暫辭金殿直

燕武英
大學士

綺筵長

進玉壺春誰如母子光榮盛同是燕全五福身

送 教官還道州

清才美譽山陰客，舊是春陵學者師。
千里來朝 明主日一尊歡會故人時。
蒼梧山下濂溪宅，班竹巖前帝子祠。
此去又應多勝賞，春風桃李日熙熙。

送人罷官歸鄉

名遂身歸髮似絲，脫簪長與故人辭。
雲霄已分無來志，郡邑尤聞有去思。
三選擬敦松菊好，一尊寧負水雲期。
昔年親友多情思，翹首鄉閭望到時。

送魯判官子隱赴瀘州

都門楊柳葉初齊，行客多情醉不迷。
惜別鷓鴣原千里外。

之官蜀道萬山西秦風畫鷁衝波去暮雨玄猿出峽啼
自古近民平易好政行莫苦自多蹊

代送鎖百戶赴河南

奉天門下荷除官紫誥淋漓墨未乾
身著錦衣金縷袖腰懸寶劍玉龍寒
洛陽橋景花邊遇少室山光馬上看
聖主恩波宏似海攄忠報稱莫辭難

送羅教諭汝寬赴常熟 汝敬侍講弟也

考績新來覲玉京九重深處被恩榮
玉堂已遂連枝會異地今為振鐸行
照水天桃含宿雨迎風弱柳弄新晴
都門春色雖無限相送寧忘惜別情

送曾學士子啟隨侍往南京

三千士裏文章最三十年餘姓字馨面奉
綸音陪鶴駕人瞻奎壁拱前星曉辭黃閣同書詔日侍青油獨講
經此去金陵雖未遠臨分莫遣酒杯停

龍首登瀛第一人青宮華秩更誰倫旌門問俗如鄒魯
輦道看碑識漢秦疊雪綺羅千乘富向陽花柳萬家春
明時侍從真堪羨况是揚雄賦有神

送周諭德崇述隨侍往南京

紫陌塵香騎若雲從官文采獨超群兩官職業當時著
四海科名舊日聞染翰競傳王內史題詩爭羨鮑參軍

玉堂濟濟交遊盛今日臨岐惜送君

送禮部孫主事原貞省親還德興

曉日鳴珂出建章鄉關南望水雲長
姓字久聯金榜貴官函仍帶粉闌香
天書錫命知多寵畫錦歸寧信有光
京國交遊冠蓋盛臨分折贈萬垂楊

送郭教授彥鉉先生罷官還泰和

簪綬傳經老更成斯文應賴有光榮
幾州學館思模範一道文闡仰鑑衡
此日聖朝優一老當時祖席聚諸生
獨慚淺薄從久目極南轅萬里情

林下歸來白髮新飄飄野服稱閑身
蒼苔碧沼經遊遍

綠酒黃花宴賞頻
北郭草堂堯率地
東郊藜杖葛天民
惟應餘景多康健
古道還看淑後人

送

東駕至良鄉途中口號

曙色絕分紫甸寒
綠楊垂露拂征鞍
道傍遺老歌堯
化陌上遊人覩漢官
迎日彩雲飛野馬
隨風旌旆舞廻
鸞自慚淺薄承恩久
瞻望銅輿欲別離

次日回京馬上口號

旌門朝罷望蓬萊
離思還縈別殿隈
嶺樹栖雲連復斷
香塵撲面拂還來
綠蒲淺水群鳧浴
青草平原獨騎回

最是餘春多野趣西郊立馬重徘徊

送余侍講學夔祭祖還泰和

三十辭家事 聖明雄文高誼出群英
兩京載筆時名重 萬里還家畫錦榮
未是乞身歸舊隱 暫因將命到先茔
都門相送天連壤 一寸愁隨百草生

萱莢初齊別石渠 故園歸興欲何如
冰盤玉笋嘗紅稻 銀瓮香醪研白魚
滿架圖書憐舊業 百年風雨見先廬
九重實切思賢念 何日重來侍玉除

送尹編修鳳岐祭祖還吉水

雙龍闕下別鷓行 歸路吳山楚水長
華秩已聯金馬貴

魁名猶帶棘關香
奎章布命連先代
畫錦行春入故鄉
自古儒生遭遇少
君今何幸際虞唐

送李侍讀時勉祭祖還安成

多君文誼久知名
身在雲霄老更成
草詔轅門秋倚馬
鳴珂御苑曉聞鶯
九重北闕承恩去
萬里西江衣錦行
共有故園桑梓念
相隨無計獨傷情

送李布政使昌祺赴河南

朱衣象簡官仍貴
紫誥龍章墨未乾
嵩岳古聞為鎮重
藩侯今見得人難
九重禁苑聽鶯出
千里河流駐馬看
知有同官賢故舊
薇垣長得共清歡

送王千戶還吉安

時其在軍中執役於翰林

四月 鑿輿度王關曾看執戟羽林閒
馬隨紫閣群公去身到黃沙萬里還
鳳闕喜沾新雨露 堂欣覩舊容顏
轅門建業惟應早 莫畫麒麟兩鬢班

宋軒 履魁

半畝溪山舊卜居 往來塵迹自應疎
春風門巷花開後 曉閣軒窓日上初
頻理琴書留上客 閑觀燈火讀遺書
承平隱逸皆徵用 丹詔行看下玉除

送劉憲副洵朝覲還江西

新年述職建章宮 聖主偏憐贊憲功
賜服特頒金綬

獸旌車重昇玉花驄敷言已擬虞群后圖像當期漢上
公帝德如天恩似海涵濡今與萬方同

二十年來司憲紀數千里外識霜威西江按部知無忝
北闕疏名信有輝洪熙中命疏方齒官名於廷之西壁
問洵與馬對酒莫辭今日醉挂帆始寬故人稀春風便
道淮陰郡無限人看畫錦歸

送楊叅政景行致仕還温州

中歲旬宣到白蘋閩藩誰不羨材賢鸞迴紫誥榮遷秩
鳳吐丹書賜引年闕下冠紳填祖席山中松菊蕙歸鞭
懸知詩酒消閑逸清夢猶能到日邊

送傅僉事故讓陞俸還河南

考績應承 寵命新邦人伏闕請留煩 帝知論譏持
公法民仰全生體聖仁狐鼠不遊千里宴鷄豚無擾萬
家春懸知憲府重臨日老稚歡迎擁畫輪

耕讀軒為崇仁陳友傑

長懷李密與倪寬農士兼勤不暫安自信地耕千畝易
誰云書讀五車難穿雲繡轂看秋至對雨寒燈坐夜闌
從古抱材終顯達行膺召命自金鑾

輓李修撰騏

十年同侍紫宸班忽報騎驄去不還無復蜚英驚四海

定應理玉鎮三山流塵已滿琴書上遺墨猶香篋笥間
一末生芻嗟莫致臨風撫卷淚長潛

錦繡曾襟間世英此生况是際 皇明七閩書薦先題
字三殿傳臚特賜名方擬瓊瑩承露長那知玉樹迺霜
傾褒封幸有龍章在夜夜奎光北斗平

古渝八景賦黃葛晚渡

二水回流波浩蕩萬山高聳石嶙峋猿聲薄暮依黃葛
屨氣橫秋覆白蘋群鳥傍巖棲息慣孤舟渡客往來頻
西風落日閑吟坐惆悵何人更問津

輓屠千戶前錦衣等衛指揮使

執戟金吾夙有聲，節旄曾駐豫章城。
王龍橫劍從天下，金虎分符渡海行。
累革已聞身徇國，遺榮應見史留名。
揮毫欲寄招蒐什，天北天南萬里情。

西湖丹室重為鄭郎中賦

共說軒岐學業深，更聞丹室在湖陰。
大還欲就龍窺戶，九轉垂成虎繞林。
肘後諸方超徃古，眼前四好重當今。
優閒絮絮臨清處，鷗鳥忘機伴醉吟。

送劉監生良還永新

三載高堂定省稀，承恩又喜願無違。
兩晴潞渚行旌發，秋入禾川畫舫歸。
欲以長材鳴盛世，且將孝養慰慈闈。

客居亦有丘園念送子城南思欲飛

送周進襄陽訓導

周待詔迪弟吉水人

早聞詩禮共趨庭兄弟相承入
帝廷年少獨憐工奏賦官卑偏喜是傳經
北來壯志如鴻鵠南去深情似鶴鷄
明到古雍多講暇一尊吟對萬山青

送彭善訓導四川嘉定大邑縣

遠省曾從蜀道過承徵今見起雲蘿
九重戰藝逢甄拔百里傳經賴琢磨
闕即看浮泗濟之官行見及岷峨
思親此去成迎養綵服承顏喜氣多

送禮部侍郎王士嘉致事

子玉為翰林檢討

武城自古絃歌邑王氏多賢况在今父子名齊雙白璧
去留義重萬黃金乞身獨遂懸車志貽訓兼存報國心
誰得似君娛晚節葛巾野服恣幽尋

送吏部尚書黃公宗載請老不允還南京公時年

七十八

耄耄從來得引年君恩未許乞歸田武公政爾登台
鼎尚父方當起渭川康健獨堪頻拜起聰明尤是鑑才
賢大臣去就關時運天語丁寧戒勉全

歸田詩為景陵知縣安成楊季安作

作縣景陵方六載累聞惠愛播民謠乞身已羨能知命

鮮組非關懶折腰百歲永安仁厚里萬年長祝 聖明
朝不才倘遂休官志觴詠能無一見招

仰慈堂為清江典史徐子讓 徐石首縣人

蓬幕不嫌官祿薄萱堂惟念母恩深一朝稍闕三牲養
千里長懸寸草心致喜擬裁萊服錦共甘且寄俸錢金
聖明孝理從人願會看承顏返繡林

送平江侯陳豫鎮守臨清

武烈垣垣振後先已看三世續貂蟬 九重城闈旆罷
侶千里關河將相權 國以忠勤專付託民依節鉞遂
安全東風把酒都門道相送南行穩着鞭

送蕭玄圭主事致事

宰邑還看入拜郎，光榮不負舉賢良。
忽從祠部辭銓部，且免他鄉作故鄉。
白髮華簪期上壽，清尊黃菊想南岡。
因君勞我長相憶，數頃腴田八百桑。

送劉仲信仲寬分教祈門蕭山

文運欣隨世運昌，屢看才俊出江鄉。
獨憐兄弟相師友，並有詩書教序庠。
吳越士沾時雨化，家邦人喜令名彰。
秋風八月都門道，車騎南行爛有光。

送姪城赴句容訓導

承恩佐教句容城，豈比尋常為利名。
黃卷青燈須數

學名山勝水戒遊行祖宗文範期無忝賢俊登庸待有成無限欲言書不盡首應勉力荅 皇明

送龍士通赴太平府學訓導

江鄉龍族喜多賢之子尤勤事簡編應薦父深毛氏學
作官初試鄭公種即看講道宗宣望更想持盃酌謫仙
遠大功名須努力青雲萬里早騰鸞

送任同知能讓考績還太平府

昔聞選士佐專城獨羨之官得太平早以詩書承父叔
屢看伯仲續簪纓三年郡政多匡益千里畿民有頌聲
况逐清秋南鴈去不堪臨別故鄉情

送道士蕭德冲還南京

清溪道士出凡群，十載餐霞住白雲。
後召早精靈寶法，焚修多誦洞玄文。
來朝天上尊，明主歸去山中禮。
道君明日吹簫玄鶴上，仙音寧許世人聞。

送劉檢行人使兩廣

自昔芸窓邃一經，更聞黃甲早題名。
家從彭蠡湖邊住，身在蓬萊闕下行。
奉使久知將命遠，寧親今遂過鄉榮。
元戎待子承恩處，萬里無塵嶺海清。

送余遷赴溧陽教諭

世父嚴親美弟兄，清時相繼擅科名。
玉堂金馬司編

纂泮水芹宮育俊英羨爾擢科能世業承
恩典教務躬行青雲萬里期高步勉力無徒事小成

送劉參議士拯致事

共慚擢第入金門四十年来荷主恩同里每驚千里別
七人今歎幾人存養恬幸得耆英衆表俗還須道
誼教亦欲乞身投散地未知何日接清溫

賢才濟濟步瀛洲六十辭歸七十留
否道羨君逢後喜清時媿我負先憂
從教得意趨丹闕可以忘情結白鷗
明發江南與江北山青雲白思悠悠

送江平侯陳豫守備南京

昔聞令祖富才猷 先帝深期漢武侯
繼世兼全文武 畧承 恩守備
帝王州陣前萬馬隨車蓋帳下三軍
擁戟予誰得似君榮寵極麒麟勲業好全收

送羅崇本大叅赴雲南

四十年前同領薦八千里外獨之官
秋鄉僚案瞻來旆 春榜門生擁去鞍
自古名藩為鎮重方今賢佐得人難
老懷相見愁相別雙袖因君淚不乾

送徐宣御史按治廣東

挾策辭家事 聖明擢科曾見邁
群英官聯栢府風霜 勁名播西川
玉雪清憲節重辭 雙鳳闕威名先到五

羊城江南山水姑蘇郡便過人誇畫錦榮

題龍志大琴菴

抱琴結屋澄江上撫景留心太古前
選調獨憐顏子操焚香頻奏伯牙絃
恍聞颯颯松林吹如聽冷冷玉澗泉
幾度月明清韻裏九霄鸞鶴自翩跹

分題得北固暝鍾送禮部鄭郎中復言 雍言兄
倚棹南徐待月明耳邊如聽吼長鯨
微茫不辨山川色斷續惟聞百八聲
斜度鴈行連復斷冥樓鷗渚定還驚
鴛原一別無消息回首金臺萬里情

題廬陵人溪山清勝卷

聞說鄉村景物幽溪山如畫對簷鈎春風谷口花開日
夜雨波心葉落秋石壁傍簷看過鹿柴門臨水狎浮鷗
扁舟何日南歸去酌酒看雲共勝遊

題歙人方氏陟望遐思卷

鍾阜龍泉

二山名

屬望遙寸心應與共迢迢雙親白玉

埋黃壤千古香莧散紫霄無柰煙霞仙路隔可堪風雨
客蒐銷蒼蒼古木寒原外鶴怨猿啼空寂寥

又分題得臺字送王希稷博士

譚經擬赴陽城館懷古因過郭隗臺雪耻徒聞酬敵國
築宮真見致賢才祖筵對酒離歌發河水流冰盡舫開

明日江南憶江北白雲飛處首重囀

東郭草亭宴集

鴻臚卿楊思敬宅

勝日名園聚德星無邊嘉景在郊堦風輕雲淡河濱墅
柳鶉鶯嬌花畔亭石鼎焚香清不斷銀箏勸酒醉能聽
高情又擬明年約乘興還來款竹行

輓蕭長史坦行

惜昔王門作相臣斯文清譽播儒紳家傳博古通今
學人仰光前振後身模範容儀嗟已遠詩書手澤幸尤
新青雲有子能揚顯褒典行應下紫宸

和劉氏寄綿詩

庭闈別去已多年每到秋來憶寄綿煖老不須燕地王
禦寒何必鄭公氈雪中正好尋梅去日下寧能曝背眠
孝子自應榮祿養豈因廉介惜金錢

送劉給事中考滿燕集詩得光字

玉殿曾同奉 御床繡衣日日帶天香六年載筆慚無
補三載論功羨有光華館過從多載酒廣筵笑語半同
鄉明時侍近多情樂補報相期荅 聖皇

求樂甲辰出塞之作

四月十日扈從過居庸關

曠曠初日照金臺馳道輕風不動埃嵐氣遠隨仙仗合

鑾聲高並玉峯迴，鴈行引駕縈紆出。魚貫分兵次第來，始信雄關天設險。一夫能却萬夫關。

岔道安營

雨餘萬幕列平郊，帳殿卿雲五色交。邊將欵誠迎玉輅，中官進饌出珍庖。師徒勇悍如哮虎，號令精嚴不剪茅。百里旌旗環在目前，驅兕已度雲巢。

北行赴長安嶺

出關連日只西行，始望長安逐北征。嶺樹溪雲含宿雨，野花山葉弄新晴。六軍寂寂嘶枚走，萬馬蕭蕭嚼勒鳴。累歲兵戈勞聖主，群公何以答升平。

大官日給二饌是日

聖節有感而賦并簡同行諸公

從官忝列詞臣後行幕叨依 帳殿西咫尺 龍顏連
日覩萬年 聖壽與天齊頻分內饌兼羔鴈獨媿凡才
雜鳳鷄徒積寸誠無補報諸公何以見扶携

將至赤城

載筆久慚黃閣侍揚鞭今喜赤城遊水經澗道水尤在
松旁高門翠欲流日下雪霜生劍戟天邊士馬蓋陵丘
臨風迴望滄洲處忍聽悲笳起暮愁

過雲州龍門

馬上無因散旅愁，青山看兩過雲州。
兩崖壁立摩空起，一澗盤迴出峽流。
浪暖定應魚變化，花開正與客遨遊。
北來風景時時別，逐處涼添五月秋。

旁矚有山峯，翠嶺前瞻無境路。
縈迴新春官道，多車馬。舊日人家半草萊，
谷應鳥聲，諧管籥，水蒸雲氣作樓臺。
轅門想在龍門外，聽得迎。鑾樂殷雷。

獨石駐蹕

尖帽山前初駐蹕，斜陽煦煦晚風和。
林鳥繞殿三迴下，澗水穿營百折過。
獨石諸峯同秀拔，蒼松踈柳共婆娑。
不因侍從經行遠，安得遨遊眺覽多。

五月一日南風河邊觀漁遇使客

萬里黃沙入望遙
天風吹却虜塵消
悠揚岸柳將花舞
撩亂山雲挾雨飄
行旅漸驚無賈販
臨邊還見有漁樵
堪嗟日遇南來使
故舊音書每寂寥

營威虜

聖主親提百萬兵
已臨威虜列天營
營中有地皆威虜
天外無邦不入明
千里旌旗雲海闊
九霄劍戟雪峯清
極知禱筭皆神妙
會掃腥羶致太平

連日抱病不辭至是得告寄卧開平

此身薄劣應多病
所歷那能免嘆嗟
幾度臨床忘寢食

向來上馬怕風沙束髮覺垂頭上石逢人驚見眼中花
清明惟有丹心在尤解頻頻戀翠華

卧病開平城中喜聞分兵出哨

鈞陳百萬列夫營殘虜妖氣到處清日繞龍旂最駐輦
月明虎帳夜分兵將軍恨敵思揚武壯士懷忠欲捨生
忝具詞臣扈仙躡獨慚嬰病卧邊城

開平病中聞李太守永淮已至城外深為之喜而
又聞仍督餉往應昌因力疾出送途中口號

每憶東平賢太守已聞車馬在城闔十年鄉校同遊客
萬里天涯共住人太學聲名誰第一名邦事業衆無倫

更因 王事驅馳遠空使駑駘媿後塵

月夜有懷二學士

月明風細塞垣高卧聽悲笳思轉勞遙憶傳宣催草詔
定應倚馬恣揮毫萬言頌 德金為刻幾度頒恩錦作
袍媿有文園餘病在望雲空想賜蒲萄

開平

灤河河北開平府云是前朝故上都萬九當年供避暑
孤城此日事防胡龍岡夜照烏桓月 鳳輦時巡敕勒
區何處登臨寂愁寂李陵臺上望平燕

荅東里先生惠書

忽辱先生惠問臨愛人宛見古人心自憐樽撤元無用
何得空踈更會吟茅屋幾家人寂寞轅門六月氣蕭森
君恩深厚渾無補敢不携書惜寸陰

忽辱先生惠問臨直廬知在 禁垣陰日趨東殿承

青頰晚退西城對碧岑滿架書籤無俗累隔隣棋局有
幽尋從容自得斯文樂白髮何妨戴錦簪

忽辱先生惠問臨託居陋巷得幽深雨餘草長看書帶
雲淨峯明見玉簪白日煮藜供上客清宵無燭對長檠
極知僻寂添踈懶安得相從慰鬱沉

忽辱先生惠問臨因懷西墅致歆欽名轂不負熙明世

事業惟先翰墨林夜靜馬隨蓮炬返秋清酒對菊花斟
中郎塞上曾相見為報多年白髮侵

忽辱先生惠問臨玉堂交契轉關心掖垣朝罷遲遲出
官舍詩成細細吟雨過尚裁門外柳客來還撫匣中琴
相思幾度欲相見如負沉疴望炙鍼

六月十九日邂逅侍郎李昶於懷來蒙示其所和
贈行詩因次韻以為贈

名公積學早登庸兩度經行紫塞中饋餉萬車流似水
揚沙一馬去如風喜逢劉晏明時出不媿蕭何漢代
功會見歸朝承寵眷看花頻過上林東

簡王主事良秉彝 舊為御史按治開平今督軍儲

清譽長材 聖主知曾承付託按邊陲遠騎駘馬巡烽

戍密理封章奏玉墀千里有天春浩浩一方無警日熙熙
只今關塞軍儲富又羨賢良計策奇

表表烏臺舊憲官幾年關塞尚盤桓詩成錦句囊中貯
山作瓊峯馬上看千里每教兵食足九重長沐 聖恩
寬向來從幸經遊處喜得郵亭一共歡

簡袁呂二主事見過

不嫌隘陋住衡門為愛幽偏遠市喧默憶舊書消永晝
喜承青眼過高軒點茶賴有西園藿酌客殊無北海尊

早晚可祇重枉顧更應洗耳接清論

北行嬰病卧轅門聞說山城少闕喧千里特來親寓館
數椽聊託駐行軒自慚淺薄聯清秩未有涓埃答 至
尊賴得交情君家好時時相過有高論

再簡袁考功添祿

羨君浩蕩富辭源少小飛騰志已存秋日獨鳴南岳鳳
春雷先化北溟鯤玉堂金馬遨遊久黃卷青編講論繁
媿我十年同翰墨獨憐交態義彌惇

予之假寓懷來一日偶宴遊郊外適陝西叅政吳
公福見訪不得一會公且念欲分騎假予南歸而

方自以職事北行不得如意為之悵然聞予歸亦未有涯涘也乃以菴李試新而去予歸從者以獻并告以公見訪之意追之不可為之怏怏連日蓋公故予江右僉憲而嘗修性理大全書與予同硯席者久之不遺故舊故也為賦此以識意六月已未

天祿故人東海客向來旅邸解相親因無俗眼看炎冷得有高懷處故新契好豈緣今日厚交情本自昔年真北來却掃無相問念舊如公見幾人

柴門在顧高軒際正我行吟野望時方喜林園諧夙想

李太白詩集卷之三
忽聞旌旆已西馳極知乘興翻惆悵無柰相思更別離
明月清風窓下榻至今無寐想丰姿

次韻希召主事往遊榆林見寄

嚮承策馬去還留慰我區區旅寓愁無柰久淹司馬病
不勝頻羨子長遊旆臨媯水迎秋渡路入榆林向晚投
喜有同官賢士友時時觴詠共銷憂

故人何事久相留定有高懷慰客愁綵翰雲箋多雅詠
石田茅屋足清遊昔年董子書堪羨何日班生筆可投
自古長材資大用端期霖雨濟民憂

謾興

塞北關西音寂寞秋風暮雨客程淹惱懷實苦蛩吟壁
卜喜空驚鵲噪簷自咲晚炊尤乏米誰憐秋莧不知鹽
從來簡澹吾常事獨懼無謀懶拙添

七月十日夜懷來館夢與家兄立談于

先君之墓隧久之既覺宛然如真而獨莫記所談
為何事也豈勝痛感不肖碌碌無所補益家

國於此豈先君有靈託以示警歟因泣血再拜謹
書

十年不得趨先隴忽夢從兄此共譚祭掃墓前知不
辱顯揚身後懼無堪松楸萬里空留念心志頻年實負

慚 聖主無為先孝理覃息何日許歸南

汀夜

娟娟明月照前汀坐久方警夕露零寒草漸飛雲點點
涼風初變柳青青衆星拱極天垂象萬壑朝宗地協靈
回首京華情未極數聲戎笛不堪聽

懷來

層城十里誇陵丘幾度曾經翠輦遊遠岫霧濃疑隱豹
長河水淺不勝舟一天赤地無暑萬畝黃雲稼有秋
試問居人生計處家家壁上掛弓毬

隆慶判官趙氏景暘以味菜名其軒其必甘於澹

泊者士君子苟能此天下之事何患乎不濟哉考
功表主事見為之喜以屬予題予亦為之喜而賦
此

澹泊襟懷欲易盈雖教蔬食足平生每同水飲幾忘肉
長是家風不為名露葉堆盤香自別霜莖入口味偏清
為邦嗜好皆如此此色何由得在氓

懷來北山下有石室深廣丈餘故浮屠氏居也蕪
廢久矣僅存石佛近有二僧來繼貌甚鄙陋而志
勤苦日汲汲以興復為務有可矜者予間與員外
如熊主事袁呂暇日出郊因過為賦此

昔人曾此學浮屠遺却巖前鑿石居雲隱佛龕方丈地
草生禪座百年墟兩僧度脫三生後一室莊嚴歷劫餘
老大未諧諧梵學但將徑意會真如

次韻袁主事遊石佛寺之作

短藜野服陟崔嵬雨霽迴峯路不埃禪卧偃雲藏石榻
佛香飛霧隱蓮臺谷中幽鳥聲俱寂巖際危峯勢欲摧
最羨老僧能樂客引教遊屐遍蒼苔

次韻呂主事 同前

未及山中古佛場已聞天籟振琳琅龍聽演法旋空外
虎衛安禪坐榻傍心了泉聲忘下界身隨雲影到殊方

山僧疑有仙翁在為燕沉檀百和香

潺湲流水檻前過如聽鳴琴在澗阿淨洗百非塵迹遠
飽叅三昧勝緣多檀柳影蔭菩提樹琥珀光潑碼碯坡
始識人間方外別向來榮利竟如何

呂主事鄉人王士華甫見惠豆角賦以叙謝

翠玉千莖珠萬顆飽承秋露自清新往年識得田家樂
今日看為綺席珍旅邸忽逢情倍喜曉畦旋摘味逾真
故園風致依然在却謝殷勤種饋人

七月念三日 千秋節同負外郎熊主事袁呂四
人隨班拜於懷來衛治退而賦此

山城微聽漏聲傳起俟隨班拜
壽筵共阻北關清塞
外齊瞻東殿綵雲邊麗天炯炯
前星燦出震瞳瞳旭
景妍四海萬方歸
國本恭祈
睿筭溢千千

夜起

今夕無寐過夜半振衣起坐當小軒耿耿銀河月麗畢
滾滾玉露風生坤數聲戍鼓鴈橫塞幾廢行人犬吠村
僕夫穩睡蛩在壁寂寞懷誰與論

七月二十六日尚書呂公齋
詔自軍門來道出
於此一時戍男女莫不夾道懽拜以謂

聖駕南還有日臣忝從臣倍萬有喜退而謹賦

黃沙磧外 詔書來定報平胡奏凱回 聖德萬年昭
似日權聲千里動如雷南行驛騎時雙度北望

龍旂日幾迴四海八紘臻盛治擬將歌頌獻蓬萊

客寓懷來有 詔自行在達京師候騰黃不至有

感

往時載筆侍清班玉帳頻先覲 聖顏一自病中離

闕下頓分天上與人間近聞頒詔先歸國久候騰黃未
出關咫尺旬畿誰報喜西風日斷白雲關

野望三首

蕭然孤館南城下睡起無聊獨上樓野草謾隨愁共長

韶光不與客同留山連岔道春冬碧水合桑乾日夜流
景物未窮登覽興古長城外鴈聲秋鵝水出永寧團山
下經懷來城南西入山合桑乾河凡百里古長城榆林也
遠違車駕踰三月久抱衾裯滯一州南郭幽居嗟影
獨西風落日使人愁天空絕塞飛鴻度草滿平原獵騎
遊何似桑乾南下水萬山深處出盧溝

欲就邦人詢往事百年耆舊已無存猿啼暮雨佛山寺
鶴怨秋風香水園元仁宗所生處在隆慶州之西州名
隆慶以此今始改隆慶云萬仞倚天瓊岫小一泓迸石
玉泉温温水在懷來西北三十里太平自是多耕牧禾

黍牛羊日滿村

八月四日拜 詔懷來喜而成詠

山城欲曙漏無聲拜 詔懽聞瀚海清萬里黃沙皆積
雪一方殘虜不煩兵狼心革暴歸 皇極幽谷披雲覩
大明會向康衢看白叟謳歌擊壤慶昇平

既拜 詔還寓舍道逢軍前來者聞學士楊公齋
勅還朝前日過此已而又聞

聖駕將及開平喜而口占

聖主親行討不庭已聞振旅出玄溟閣中學士馳宸
翰天上文光粲使星九伐干戈如倒載萬年邊鄙伏威

靈明時邁德商周遠不數宣王與武丁

芳洲詩集卷之三

芳洲詩集卷之四

泰和陳循著

七言絕句

題李息齋畫竹為蔣琳監生

翠鳳新晴晒羽翰，可人渾似報平安。
息齋墨妙稱天下，只畫淇園玉一竿。

瀟瀟暮雨琅玕濕，彷彿湘川倚艸時。
何必更求千畝富，一枝已覺翠淋漓。

題竹海棠白頭送袁進奉使過家

春在園林景萬般，爛然錦繡間琅玕。
光不在東風裏

芳洲詩集 卷之四
頭白相看到歲寒

題竹寄五雲王好古

何處林園景物賒五雲城北是君家
琅玕萬箇當窓戶
長挹清風度歲華

遠在江南住白雲崇賢令譽使人聞
中書墨竹稱天下
為我揮毫寫贈君

題竹寄人宰縣

幾載承恩治滑臺
剗煩今見著奇才
古來良牧書清簡
好遣勲名徹上台

原上千紅萬紫榮
娟娟得似此君清
揮毫題寄殷勤意

如到湘川渭水行

題蕭知縣玄圭所藏池館納涼圖

烈日揚威水激湍火雲如蓋壓層巒
高人正坐池邊館
簾幕無風六月寒

雙雙習隱松間客箇箇忘機水上鷗
何日得拋塵俗事
登山臨水共嬉遊

題畫為淮安梁太史琮

畫船曾過淮河浦門巷坡陀畫不譁
萬箇蒼松臨水秀
舟人解道是梁家

倦遊江海每思歸何日簪裳撫縞衣
稻葉秋風秈米白

桃花流水鱖魚肥

題萬巡檢昇所藏竹 南昌人官淞縣

淇園雨過琅玕潤
渭水風生翡翠寒
得似小窓圖書裏
清標直節兩三竿

官在龍河第一關
太平無警邏兵閑
公庭對竹清無比
門外仙槎任往還

題梅送郭之信教諭赴連江

四十年前金石契
八千里外別離人
江南江北頻相憶
意與梅花歲歲新

梅花雖在江南發
江北情人思獨長
不見梅花只題畫

贈君春色滿行囊

題李御史儼所藏山水

赤岸坡陀憇使槎
海門潮落露汀沙
碧梧翠竹深深宅
人道淮南御史家

淮流如海深千尺
記得曾乘畫舫過
復有尋源如博望
直窮西域看天河

題竹寄江陰徐景南景州兄弟

為愛幽閒抵萬金
甘依泉石老江陰
懸知日有天倫樂
更對琴樽坐竹林

兄弟皎如雙白璧
况聞孝友重鄉評
別來已久多情思

試假篔簹一寄聲

題羲之觀鵞為瀧水縣丞魏瑤瑤山陰人

翠竹蒼松環宅院白毛紅掌照汀沙閣中盛有風流客
信是山陰處士家

瀧水哦松已自閑更多清興在鄉山畫圖無限家林趣
長置公餘几席間

題金瓶牡丹為張知州學政 永豐人守崇慶

玉版丹砂自不群郊原紅紫任紛紛洛陽臺榭多春色
得似金瓶五彩雲

廖子謨僉事左遷河間府同知少師楊公題寄以

竹為賦其後

一枝瀟洒淇園玉暫爾移根置棘林任使歲寒霜雪盛
肯渝直節與虛心

河間別駕楊賢譽閣下名公遺好詞三十年来馳宦轍
素情况與此君宜

清河信圭太守求贈李君定司訓

聞道東南多寶王幾年涵養應時須清河太守浮川去
首得驪龍領下珠

光比明珠清比玉春雲五彩更彬彬千年文獻姑蘓郡
模範今看淑後人

題菊竹贈李君定訓
薰考功負外郎茂弘子也

銓曹秉鑑論人物
芹泮譚經淑俊賢
橋梓聯芳天下少
卿家盛美使人傳

清香秀質傲霜榮
寫贈深期最令名
不比尋常折楊柳
區區聊致路傍情

輓楊希節求為張醫士大節

一七神膏頻得譽
數椽茅屋久安貧
萬花誰種門前杏
盡是當年報德人

真州清隱不求聞
南北相過競問君
人去人未猶似昨
束芻空吊越人墳

輓編修黃諫母諫有父存

堂中老母升仙日
闕下賢卽及第時
萬種劬勞恩未報
空持祿養不勝悲

母恩早遂兒孫計
婦德恒深伉儷情
夫子一生多感慕
宗姻千古有光榮

題扇為張咸秀才

紛然白壁出藍田
得似青春秀質妍
但使縱橫施五采
彬彬方稱故家賢

觀光遙自故鄉來
獨喜征衫絕點埃
一握清風長在手
如凌弱水向蓬萊

題喜鵲

庭院沉沉晝不譁
數聲傳喜自天涯
尋常不是無棲處
營壘多依積善家

化印已堪為世瑞
聞聲亦解使人怡
古稱聞過心能喜
得似初聞鵲噪時

題梅送胡敏御史致事還鳳陽

衣冠著薦返初家
桑麻田園爛有華
得祿養庶無一剩
只將行李載梅花

豈如桃李經時謝
獨傲冰霜迓歲榮
得似鳳陽胡御史
生平榮謝一般清

南京神樂觀陳道綠玉軒

紫金山下神人境
綠玉軒中羽士家
製得碧玉吹作鳳
夜深迎降五雲車

二十餘年別舊京
天壇回首曷為情
夢蒐不憚長江險
時逐春風到冶城

自牟上人像題寄二絕并簡良棟

金沙每布安禪處
玉相頻留選佛場
况是虛明心似月
如如不動水中央

五十年前心所契
六千里外意攸同
交遊方侶應無幾
僅有劬公與棟公

題竹送梁仲載南京國子助教

君家伯仲皆奇傑，挺秀揚芳在士林。此去橋門作模範，
重看玉樹長森森。

四十五年前講學，二三千輩內傳經。詩書不獨攻文藝，
忠孝從來是典刑。

題應天府學教授任衡所藏畫龍

迅驅霹靂離滄海，暝擁氤氳上泰清。禹國山河歸一統，
擬登堯袞際升平。

已呈天下文明瑞，莫負人間仰望心。江北江南苗欲實，
好施霖雨作黃金。

蕭貢士彞以梅花求題寄奉乃祖

踈影正從天上落暗香偏在雪中繁何殊百歲靈椿茂
長有榮華到子孫

璧水西昌蕭貢士久遣大父闕承權殷勤購得春消息
千里馳情一問安

題松竹梅為周侍郎乃弟

卿家兄弟如雙璧並出藍田絕點瑕欲識炎涼何所似
請看松竹與梅花

題孔雀及雉

羽毛何事生竒文彩彬彬五色華好是大夫榮錦畫

芳洲詩集 卷之四
一雙飛傍牡丹花

題竹送曾隱長汀訓導兄良鄴縣訓導

爾家兄弟皆模範童冠相從比舞雩更似淇園春雨後
一雙清玉出冰壺

題枯木竹石送劉勉行教諭之任永康

歲晚羣芳搖落盡都門何以贈南行畫圖無限江鄉趣
聊寓殷勤折柳情

題梅送劉浩

神仙昔在桃源洞種得門前萬樹花今喜雲仍有才傑
不耽榮艷愛清華

歲歲花開庾嶺頭，便從薊北憶南州。
展圖重有江鄉趣，獨喜題詩送客遊。

題山水為武選鄭主事

高浪遠翻吞浦漚，浮雲低度掩林巒。
時人欲識湖山趣，好向君家畫裏看。
野色昏明占早暮，鳥聲遲滑識春冬。
君家舊宅依安谷，知隔雲山第幾重。

題謝運同衡所藏庭循畫

衡字仲平，曾為御史。

謝公妙墨稱天下，况遇宗家意更長。
滿腹江南好山水，不為珠浦即錢塘。

獨愛錢塘景物佳湖山深處更繁華
碧梧翠竹環高第道是清朝御史家

題畫贈劉士積南還

千竇夏水凝青靄萬疊晴峯鎖翠嵐
明日舟中看畫處滿蓬春色似江南

輓南通州劉知州父愛竹翁

丘墳已見松楸古鄉里尤傳行誼敦
試問何如知愛竹階前玉立長諸孫

蚤辭華辟依三選晚以榮名付二郎
千古槐堂埋玉處秋風春雨倍堪傷

題夏昶竹寄淮安楊理知府

太守居官能剔羸民無戕賊日安生何殊菘竹新經雨
洗淨浮埃節葉清

中書終日寫蒼蠶誰識毫端寓意長更對淮南賢太守
清風倍覺滿黃堂

題九鸞圖為李龍章

翠柳林中明似雪滄波澗底絮於雲有時立向紅蓮畔
彷彿衣裁錦繡文

題烏鴉雪景為曾用礪

天瑞中原千里雪身栖上苑萬年椿世間豈是無梁肉

步沙言集 二ノ才三
秉性從來不附人

曉飛天畔銀為闕晚集池塘玉作林可是人間純孝侶
一生返哺最關心

題松鶴為曾用礪

晝當恭華松間立夜向蓬瀛島上遊來徃弱流三萬里
一聲叫破楚天秋

鳧暉曾聞為羽駕祝齡更見舞瓊筵只緣不啄黃河水
長在銀河玉几前

題鴈為胡秉恒

江南處處稻梁肥春去秋來不負期風雨縱橫倫序在

恰如兄弟友恭時

題牧牛圖為胡秉恒

春雨一犁功已畢
秋田萬畝計方成
斜陽芳草長林下
自在遊行自在鳴

題竹送梁弘恭還汴梁

錦籜新開翠鳳毛
娟娟倚玉出林臯
東風更長排雲翼
指日飛凌碧漢高

題梅送龍都士邦

結實正當春暖日
開花偏任歲寒時
東風朔雪皆生意
始識乾坤造化奇

鄉校曾聞得俊才，娟娟秀質比瓊瑰。
題奪且贈還鄉去，折桂深期接武來。

題畫送梁榆叔榮

青山排闥與雲齊，樹色波光似柳溪。
况有畫船垂釣客，笛聲清和水禽啼。

題竹送丕績教諭

書窓暇日開簾處，翠鳳紛紛展羽毛。
亦似諸生承教育，秋來箇箇拂雲高。

題竹為胡秉恒

番禺湖上琅玕富，秀色紛紛湧翠嵐。
萬里薊門春雨夜，

幾多春夢在江南

龍角崢嶸初迸石鳳毛瀟灑正朝天君家庭院清如此
何用西遊覓渭川

題竹寄新淦胡知縣

胡侯昔宰清江縣清比淇園玉一雙聞道選賢移劇邑
聲名更勝在清江

琴堂公退臨軒閣翠鳳翩翩振羽儀清致滿前塵慮淨
相看高詠武公詩

春 共四幅皆題山水為南岡李宅每幅二首

高人不著尋芳屐
秣坐蒼苔看遠山
愛殺眼前多勝事

東洲詩集 二卷之四
醒忘節飲醉忘還

舊時聞說南岡市春滿園林祗一家
一自散分歸別主
看花隨處駐輕車

夏

九折流泉環座碧千尋峭壁倚簷高
畫屏石枕松聲度
如聽天風送海濤

清時無補柰愁何白髮相催日漸多
祗好滄浪相伴住
時從孺子聽謳歌

秋

魚舟魚網生涯濶江月江風興趣多
幾度斜陽洲渚外

數聲清唱起烟波

聽笛和歌翕拍手蓬頭把兒婦酌酒莫道漁家多賤貧
此樂人間正稀有

冬

門外紛紛大雪封溪橋猶自有行蹤携樽亦擬尋梅去
娖娖金華看玉峯

獨坐持竿事隱淪醉來大昌滿蓬春輕裘駿馬行冰雪
得似釣魚船上人

題山水為呂千戶

流水長橋近翠微遠山排戟對巖扉武城昭烈垂千古

舊國猶存釣渭磯

長材因得執金吾
况復清名滿帝都
有似江南佳景致
山青雲白一塵無

松林書屋為金中書乃弟

家在金川川上住
蒼松圍繞讀書堂
幾迴行過孝通廟
絃誦聲聲到客航

伯父獨先躋顯仕
難兄相繼侍彤闈
讀書好繼前人美
有待題名虎榜歸

題水

曾生不作尋常畫
掃素春生筆下濤
似有魚龍起滄海

滿天風雨雪山高

暮潮方去早潮生千里巒岼若為半欲作錢塘江上看
海門雷動聽無聲

題蘭為永高叔

幾年不見芝蘭秀却憶家山種滿庭忽展畫圖清可掬
書窓琴室若聞馨

君家伯仲如瓊玉更似芝蘭繞砌芳但使剪除荆棘混
東風芽茁自隆長

題李白贈汪繪圖送朱豐西湖羅修齡南還

春滿園林水滿坡桃花如綺映滄波山童似解行人意

隔浦齊聲唱踏歌

故鄉迢遞隔天涯二月南舡可到家料得西湖春未老
勝遊還許看桃花

題畫梅為曾士英

三冬故園梅堪畫萬里他鄉畫是梅為報江南見梅客
好花開處莫停盃

題桃竹雜禽鳥為胡有初

花發武陵溪上錦葉敷淇水岸邊雲東風誰道無私意
獨賦鴛鴦五綵文

題小景士高父所藏秋林讀書

不見東風見故枝
蹇驢猶似踏青時
故人習隱高林下
擬共譚經坐董帷

題竹為蕭林必舉

幽篁濃淡琅玕潤
貞石巉巖瑪瑙奇
苔面錦文初過雨
滿庭鳳舞月明時

題水

萬折奔騰趨海勢
拍山高浪與天齊
何當買舫尋源去
西過崑崙更向西

題花草送吳忠教諭之靖州會同縣

一經遠教湖南邑
萬里先登冀北程
莫道斯文無別意

江花江草亦含情

題竹為末高叔

苔生貞石斑如織
雨洗修篁翠欲流
記得君家堂上看
清風疑在渭川遊

昔年曾度層溪上
萬箇琅玕長鳳毛
想得日承新雨露
祇今箇箇拂雲高

展圖如過篔簹谷
蒼雪紛紛晝滿林
更似相川洪水上
清風浩浩聽龍吟

題竹為淮安李通判 金華人

眼前無竹殊無趣
忽見新圖引興長
春雨淋漓千畝綠

若非淇澳即瀟湘

輓文選主事胡紀父

靜閱春秋八十餘
清泉白石足興居
承平不事干時策
養悔惟存教子書

推恩久見從
即署報德初
聞謁帝京旅館
忽驚清夢斷
西風南觀倍傷情

補送僉事王孟堅謝病還諸暨

暫脫朝簪着繡衣
縱然儒雅帶霜威
懸知法律文章備
人仰奎星是太微

為向都臺懶折腰
即辭榮祿侶漁樵
古來祗重陶元亮

今日重看出 聖朝

題梅為永潔叔

君家世住層溪上 松栢蒼蒼傲歲寒
幾度東風消雪盡 更留梅萼在林端

汾陽三百餘年族 猶有聯科父子名
世德但因清德遠 梅花爭似桂花榮

湖南安撫前朝客 聞有雲孫蔡月窓
探得梅花消息早 為君揮灑妙無雙

題望雲書舍送李通判桓圭以進表還常州

袁州太守精揮灑 袞袞雲林筆底開
解使昆陵賢別駕

展圖如到故鄉來

前人富盛擬封君散盡千金不復論留得當時書舍在
彬彬文采見諸孫

朔風吹雪遍山川渺渺關河阻去船行李輕便無長物
只携圖畫與詩篇

勤織堂為給事中蔣性中母賦

機杼長聞過夜分祗將勤織助夫君時人欲識成功處
看取班班錦上文

仰戴慈闈等厚坤萱花百歲頤長存當時豈但生成德
寸寸衣衫是母恩

周郎中南吳東山讀書

已羨賢兄登棘寺更歆令弟賁秋官
乞身共處東山下人道周家有二難

一生仕宦儒兼吏千里聲名政與刑
何幸君恩天廣大賜歸喜得復譚經

題筠川書屋圖為南岡李氏

銅陂宅近南岡市彷彿前人翰墨庄
百畝黃雲連菊圃一林蒼雪墮茅堂

屋上青山屋下泉興來臨眺倦來眠
高閑樂事無踰此况對琴樽與簡編

題山水贈樂經歷象乾冬至進表南還

青驄南去雪漫漫俯仰乾坤似玉盤欲辨江南與江北
青山綠水盡圖看

富溪八景為吉水王氏刑部主事佐之父

其一南山春霽

春回萬木長新枝况是空山麗日遲花發鳥啼泉石上
巖崖無處不熙熙

其二玄潭秋月

碧天如水夜雲輕萬頃秋潭片月明水底又無神物住
颯風猶自倍淒清

其三符山夕照

峩峩紫翠夕陽明下有歸船弄笛行餘孽已隨神劍盡
孤峯猶自以符名

其四劍石晴雲

鐵石峰巒聳翠微旌陽千古著神威閣中何物尤稀異
風雨旋雲一劍飛

其五三峯秀色

東望三峯秀插天飄飄紫翠若雲烟文江正在空青外
倒浸玻黎綠滿川

其六五嶺松聲

五嶺峇峇當戶植數松落落與雲高舍南八月秋聲急
似聽天風送海濤

其七滄江春漲

曾乘春泛發西昌夜過玄潭曉豫章試問人傳斬蛟事
舟工神說許旌陽

其八墨沼晴瀾

昔時見說王右軍洗墨臨池墨泛雲聞道仍孫多此沼
何年來見浪花分

王尚書水竹居

數里碧虹環几席半空蒼雪墮階除清時若有蘭亭會

定選卿家水竹居

月生窓下玻璃淨
風度簷前翡翠輕
明似錢塘觀海色
清如湘浦聽秋聲

秋影靜涵千頃白
煙光深護四時青
誰云卜築嫌幽僻
自是安居有德馨

溪上湍聲五月寒
長如細雨灑琅玕
軒中舊有非熊士
乘興時來把釣竿

家傳禮學燕詩學
地接文溪與武溪
儒雅風流懷令祖
百年聲價等雲齊

仕宦京華四十年
長因退直夢園田
太平盛世身如此

未可投簪問輞川

西郭從來善俗鄉
好添花竹趁滄浪
年年歲歲勤封滌
留作他時綠野堂

題山水為樂經歷象乾

樵牧往還紅樹塢
樓臺隱見白雲鄉
山中多少神仙宅
何處堪求邨老方

十載淹留楚水頭
獨懸冰鑑照清秋
湖南若課風霜吏
憲幕當為第一流

送魏侍郎驥赴南京吏部

乞身恩詔自天頒
未許身閒許職閒
何必山陰開綠野

草堂今在 帝城間 魏蕭山人嘗告老不允

題楊少保江鄉歸趣圖

聖明天子似唐堯獨立清華到 五朝欲向故園守丘

隴佇聆優詔下 丹青

一川紅雨看花落幾樹清商聽鳥啼誰道園林無樂事
詔光不減禁垣西

坐對黃花傾綠酒行吟白雪看青山從來憂樂關天下
一寸丹心肯暫閑

星槎日日發通津盡向江湖訪隱淪况是濟川老舟楫
可能林下作閑人

閭里湖光秋萬頃，家林樹色景千般。
天恩未許投閑散，勝槩惟應卷裏看。

送道士歸祠山

玉簫鼓動徹銀河，千里名山鶴上過。
歸到祠山雲滿袖，琪花瑤草不勝多。

早年學道事修真，長向山中禮玉宸。
曾上天壇為典樂，都城人識白雲巾。

送劉訓術尚巽還泰和

都門落日萬砧聲，旅况那堪送客行。
尊酒莫嫌滋味薄，相看無限故鄉情。

羨子鄉閭守一官尊前長共六親懽
鵠原獨恨無由到旅被秋來倍覺寒

爾家舊宅在西城學貫陰陽又有名人
事每看形卜筮世間何用覓君平

共去鄉園萬里餘天邊重羨捧除書
明時誰不縈簪組得似冠裳老故居

輓羅賓廉詩

少小捐軀代老親甘心長作戍邊人
可憐辛苦求忠孝客死天南葬七閩

欲修先隴蘋蘩薦萬里還鄉願
苦造體魄竟歸何處所

孤兒封土墓遺衣

聖恩深念股肱情廣布陽春到弟兄奕世永無邊戍累
嗟君何恨死猶生

画梅為蕭行廣秀才題

萬里辭家來講學携書歸去有餘師榮華何事先春發
應是東風結實時

幼識尔家曾大父譚經鄉塾使人師祇今展卷看梅譜
凜凜冰雪似昔時

鄉人劉番啟尚巽以邑陰陽訓術考績至京師將
歸來索家書甚勤藹然故鄉親厚之意予不能捨

因口號以答之如右

四景

屹立芙蓉秀且清香爐幽處紫烟生金烏欲出扶桑表
疊嶂層巒畫不成 右香爐晚烟

竹杖登臨竟夕暉雪樓空翠濕人衣懸崖幽壑春長在
秀竹蒼松白鷺飛 右雪樓空翠

水滿清溪柳滿堤浮光萬頃釣舟迷小車時過看金躍
蕪倚斜陽聽鳥啼 右道溪波光

晚烟橫樹共蒼蒼復臂虬髯幾許長待得東風更披拂
綠雲滿地倍尋常 右古松秀色

梅竹雙喜鵲

何處閨人懷遠別，緘愁終日解無言。忽聞偶噪相驚喜，
如見歸旌已在門。

客中無計解愁回，庭院頻頻送喜來。可是枝頭金印重，
亂翻瓊屑點蒼苔。

題舒顥所藏畫

翠篠娟娟鳳尾輕，幽禽裊裊亦天成。伊誰畫得化工妙，
恣是宣和御筆精。

如在簞簞谷裏栖，雙雙相顧復相依。東枝欲語西枝應，
不比征鴻各自飛。

題張監生謙所藏朱中書景墨竹

昔年曾向窓前種今日欣從卷裏看不似滿天風雨多
迭簷摩戛玉聲寒

長安東出金陵道萬箇琅玕繞玉堂不對此君成五載
令人思竹若思鄉

驚雷乍長蒼龍角過雨新開綠鳳毛記得故園多此種
一年一隊拂雲高

題張監生所藏畫

朔風吹雪滿群山釣艇橫波任往還何事遊人多逸興
抱琴猶不廢躋攀

滿林紅葉欲分秋，薄暮涼生岡上樓。
家是蹇驢溪畔路，因懷經處思悠悠。

題王孟安所藏畫 古用孫也

門外西風起暮愁，殘紅零落滿堂秋。
一雙並立枯荷上，靜閱寒沙度淺流。

渚蒲岸草各紛披，白露寒花自滿枝。
不獨幽叢棲息穩，西畦更屬稻梁時。

題蘭為禮部黃郎中鐘作

托石為根質絕倫，不隨桃李汗流塵。
巖前野老無官曆，每閱幽芳卜歲春。

題曾縣丞仲璿所藏蓮并送行 曾作主事

幾年不見小池花
齒齒開時定到家
尊酒且淹朋舊樂
片帆早晚發天涯

水滿盆池白鷺飛
萬花開處錦光輝
郎官鳴佩趨朝日
寫得新圖作繡衣

客邊殘暑近來收
落盡紅衣水國愁
想得西湖當此夕
也應涼月照寒流

翠柳已周堤上露
紅蓮尤放水中秋
風萬里都門道
題得新圖送故人

題林藥圖送醫士

碧桃紅杏滿天台，曾是先人手種來。
幾度看花春欲暮，落英如錦掃成堆。

攀緣不憚入山深，刷得靈根抵萬金。
歸去懸壺都市裏，時時曲盡濟人心。

題畫

鴛鴦兩兩燕交飛，桃似胭脂柳似眉。
尚恐春光留不住，那應更作送春詩。

題鳴鶴中書所藏子昂竹石一絕

玉田種出琅玕樹，寶嶽移來礪砥坡。
宋代王孫元閣老，百年遺墨已無多。

題松雪竹石

吳興前代文章伯翰墨聲名掩八分彷彿箕箒幽谷裏
一雙翠鳳舞情雲

題松雪枯木竹石

前朝事業史官書遺墨流傳見緒餘老氣崢嶸清可掬
展圖何異坐山居

題康仲述所藏畫梅

一樹寒梅白玉花每傳春信到山家幾回欲卜山中宅
萬里歸舟未有涯

題金進士雪梅送乃弟南還

秀質消涓絕點塵爾家兄弟可為倫江南江北心千里
別後相思兩地春

晚發石頭城

此十五首係北上紀途之作

秦淮西岸兩初收畫舫輕移出石頭無限好山看不盡
壯懷何自有離憂

夜泊龍江關

暮出石頭城落帆逼揚子俯憫滄波平迴望鍾山紫歸
人看欲盡微風坐來起驟雨打蓬窓幽思頓無已

晚過古城驛

晚泊臨孤驛操舟席士勞隔河呼美酒連夜發征旄路

轉舡燈迥風清海月高稍工困淺水終夕鬧嘈嘈

早發宿遷

明月沉西海櫓聲尚軋暫向宿遷停還向宿遷發南
風吹征帆百里在倏忽何以慰幽懷指日趨城闕

次直河戲軍士

擾擾戎行子牽船輒浩歌自言甘努力可是勝橫戈晚
市頻臨岸春濤正滿河買魚沽酒處歲歲幾經過

至邳州

放舟辭白下五日到邳州並岸魚翻藻邊舡月滿樓山
川何歷歷雲水自悠悠圯上人何在清風萬古留

下邳途中阻風

朔風送帆急於駛北船跬步如千里北舡莫厭朔風吹
昨日南舡亦如此野店門臨河水邊門前楊柳繫漁舡
買魚沽酒醉逢下長歌一曲高枕眠

月夜上呂梁洪

正值舟行儉宵分未敢眠歌聲洪下起纜影月中牽峭
石陰藏劍飛濤亂入舡何時逢坦易行李得安然

過徐州迴鑿處

偶得迴鑿處遙因想翠華彩雲飛輦路象跡印汀沙曉
日彭城地春風楊柳花獨慚隨使節重此泛仙槎

徐州洪上散步

彭城城下路，洪響迅於雷。
鳥逐帆樯去，客從霄漢回。
天連青草外，山斷白雲隈。
指點前人迹，經過戲馬臺。

羅侍講汝敬劉檢討汝弼舟中留飲二絕

長洪百步激飛湍，神護奎章畫舫安。
賴得同官賢士友，一尊留飲故情懽。

百里青山兩欲來，畫舫過鼓拂雲開。
東風何事祇相待，猶送花香到酒杯。

早過流城

墟落多桑林，野店只茅屋。
居人寡生事，收漁聊自足。
倚

嗟名利徒日出蔽川陸何必悠悠者不榮亦不辱

金溝淺

數里金溝淺舟中跬步艱水雲連浦樹風雨暗河關為
客今逾遠逢人浪說還曾携尊酒在聊得解愁顏

沛縣

漢祖歌風處荒臺宿草迷野雲連碣北溪雨過豐西人
自殊方至書因去客題鵠原千里隔落筆數行啼

夜泊沙河驛

晚泊沙河驛蓬窓睡覺時方舟春雨細問米夜炊遲為
客當幽獨挑燈對別離喜逢嚴吉士酌酒更彈棋

魯橋途中

久雨天初霽
英英虎士雄
旗旄如掣電
舟楫若乘空
遠樹風煙外
名山紫翠中
推蓬看不極
已過汶陽東

芳洲詩集卷之四終